



明詩紀事卷八

田鑑

徐賁 三首

賁字幼文其先蜀人徙常州再徙吳張士誠辟為屬  
已謝去居湖州蜀山吳平謫徙臨濠洪武初用薦奉  
使晉冀還授給事中改御史出按廣東改刑部主事  
遷廣西參議再遷河南左布政使以事下獄死有北

郭集六卷

國雅徐方伯幼文詞彩道麗風韻凄朗殆如楚客叢  
蘭湘君芳杜每多惆悵皋亭山作全佳當似耿漳余  
嘗愛其折蓮子絕句云柔絲零落芳心滋未及秋風  
已斷腸讀之頗增悲慨集中有送曾伯滋赴西河將

明詩紀事卷八

幕云上將初分闈儒官解習兵風旗春獵野雪帳夜  
歸營澗水從岷下祁山入隴平知公能載筆草檄報  
邊聲中二聯並佳

王穉登吳郡丹青志徐幼文畫山水林石濯濯可愛  
六視齋三筆徐幼文作繪清潤恬雅所題楷筆亦秀  
整端慎不為杳拖自恣今得觀無不淋漓快筆乃知古人之  
詩雄緊跌宕出入旭峯頭上帝居紫宸絳節接清虛

崑崙尚想周王制蠱屬猶傳秦相書盤礴三齊橫地  
軸孤根西北接天樞自是仙人真窟宅願得安期一  
起子其二曰山下更衣路漸難巖巖高上厯巉岒天

關遙控三千里煙磴斜懸十八盤複殿尙留雲符碣  
老松仍挂祖龍官怪來爽氣清人骨玉峽流雲瀑布  
寒其三曰翠削芙蓉倚碧霄盤空霞磴度飛輅絕壁

金銀雙闕迴澄空鐘磬萬山岩天門過雨嵐光合日  
觀標霞海色遙穹碑讀罷占遺跡欲共元暉問沆漻

畫史會要陳仲醇云幼文字學晉王虞畫法董源會  
于項氏見之

本事詩楊孟載夢錄軒序曰余與幼文同謫鍾離結  
屋四楹幼文居東余居西詩云去年吳城正酣醉卻  
憶危樓望葱蒨今年放逐到長淮萬綠時於夢中見

因題其室曰夢綠幼文紀夢詩云夢裏綠陰芳草畫



中春水人家何處江南風景鶯啼小雨飛花又聽歌  
離亂白髮能消幾許悲知其身傷離亂又遭逢遷謫  
故間情之作亦復淒楚

田按季迪與幼女投契不淺季迪送徐七往蜀山書  
舍詩云獲君乃瑚璉顧我猶斗筲高懷矯衰薄雅音

變吐咬談詩餽六義讀易窮諸父情親豈殊意氣合  
真同胞因依餽輪輻暢和諧墳苑坡席夜留宴會扉

畫攜敲要眇送謳唱調翻雜詠調北郭秋夜喜徐幼  
女遠來兼送南歸云東海徐君我同里日共周旋接

冠履斯人自是真可人已積東南室歸棹鳥去煙波夕  
客行日已遠我思人已不見心憂見之喜懷徐七云

憂來不成言滿抱空戚戚徐記室歸鍾歸歸時不然  
東邱亭云同上高亭一賦詩喜逢君是謫歸時不然

此日登臨處應望天涯有遠思可謂情溢言外幼文  
稱才不及高揚張而蹈矩中規亦自善用其短詩集

詩北郭而呂志學跋幼文惠山圖幼文詩者所當知  
詩文若干卷籤題悟澹集此又讀幼文詩者所當知

蜀山 在吳興弁山南十里

明詩紀事卷八

二

喧囂厭已久閑居喜茲遂茆茨起高明澗道入深邃鑿牖通

震方開扉面離位藩編槿雜篁壁補蘿牽荔并欄旋解苞田

植齊吐穗溪山固可娛風雨亦足庇到日始八九良友得三

二客情卒難愜人姓頗煩記時具茶果招或攜酒肴餽感激

壯歲心慰藉平生意茲欲尋幽期弗暇理塵事諸方未遍遊

近處聊一至指引賴必芻隨行有童稚陟怯危磴欬駉訝頽

岡陂寒蔓悞險途披叢見傾隧緩流似矜清舊藏欲呈瑞變

綠亂葦蕩發頽老葉醉深村羈旅絕荒山古祠闕匡攢紫閣

陰松映綺疏綴聖像委蒙塵靈幡颯驚吹青史失記名朱榜

但題謚庭空息草羅地僻百虫蚊鳴禽語供弦飄雲影翻幟

螢停暗帷燈蝸篆小碑字柏瘦蟠輪困瓠子懸重隄喬林神

鴉號卑薄鬼蝶戲螿虛泉脈通級夷石髮被怒蛙恆瞋睛痴  
螳忽掉臂鼠行黠無聲螳旋馴有次壞柱腐耳垂敗几蒸眼  
潰絲颺胃蠍蝟鱗飛見魑魅蝕供後花猿窺祭餘器浮爐  
不熏爐溜雨常停解垣垣竄驚廬崇檐巢惡鴟野蒿食復生  
園棗啄將墜牧笛秋霜清樵歌晚風遲嵐光疑積愁谷氣如  
發喟對景獨感懷覽物各求類壙祝勞遠陪慵僕倦久侍歸  
時羣動息日腳在平地

靜志居詩話張來儀先從吳移居戴山以詩招幼文  
云吳興好山水子我盍遷居繞郭羣峰列迴波一鏡  
如蠶餘卽宜稼樵罷亦堪漁結屋雲林下殘年共讀  
書幼文乃移居蜀山兩山蓋相望也

陽臺

昔聞陽臺名今上陽臺路我因興古懷驅車暫停駐餘基尙  
明詩紀事卷八

三

突几雲雨自朝暮哀殺失故聲野色賸孤樹當時襄王夢曾  
與神女遇幽冥事莫測萬載誰能悟平原互千里巫山渺何  
處淒涼宋公子深情見遺賦

田按此幼文晉冀紀行十四首之一自識云賁於洪  
武九年往山西與顧廉同受上命問俗于晉民自京  
師下長江歷淮蔡入大梁渡黃河登太行覽唐虞故  
都周旋於吉絳汾沁間雁門代郡觀上黨長平  
之舊迹跋涉五千餘里其間山河形勢佳景殊俗未  
暇盡述姑賦其萬一聊以擴吾之見聞云爾史稱遺  
賁廉訪晉冀簡其橐惟紀行詩數首授給事中卽此  
詩也詩綜已錄十章聊復補此

菜適爲永嘉余唐卿石司賦

遠辭華蓋居來卜山陰宅乍到俗未諳久住地旋闢屋廬尙  
樸純楹桷謝雕飾高營踞山跼深發逗泉脈檐將狼尾苦門  
用鼠筦織缺垣唯補蘿圮砌總蒙鷓編籬限邇鄰封枿表殊

場本來是野性豈是耽地僻學圃欲擬樊爲功敢侔稷甯情  
勞外形自甘食餘力耕鉏限兒課灌溉當僕役破塊何昀昀  
陳器亦矍矍駕許俗士回屐向鄰翁借筐筥織湘材鋤鑄鑄  
棠液卓饜鷹嘴利負囊蝟毛磔俯仰疲桔槔沾灑漬襪循  
畦行策籜偃林臥斂石鎌披欲芟邱刈削竟驅礫值阜卽爲  
坡遇凹就成洫堤崩防密葭竇隙拒亂棘地同農畝計區學  
井田畫長畛縱復橫曲渠廣還窄接流引餘清疏沼滙深碧  
架桁秋實垂籬落夏蔓幕雨露加膏腴糞土發磽瘠識種題  
裏藏辨類分行植時法常按譜候時卽看厯蕨芽拳握紫薑  
檠搥駢赤兩合憐蘭萼叢生愛鈔芑初筮逆蟄雷新臺長春  
蕪雀弁莖葉峨馬帚并莖直黃繁微颺縣瓠老枯瓣折芍苗

明詩紀事卷八

四

卷龍鬚蕨韞擁半膝黃獨雪晴收紫藜露晞摘陰階茂蔗苞  
下田豐菲蕙卷輪木耳垂攢刺菱角射秋茄采更稀夜韭藟  
仍殖芝芳凝海瓊菱鬱點池墨枸杞香可醪竹筴熟堪腊石  
皮被柔薄土酥膾肥蒟細蓴八饌鱸鮮萋雜羹鯽茶苦檠與  
儔菘脆冰爲敵菌樞西蜀致苜蓿大宛得長縈苻帶流亂簇  
陳絲繹芹效野人獻瓜爲天子副泐明纔一方蒿苳連數席  
瑤糜慰渴心玉延起羸疾葦毒笑非喜芥辛泣詎戚盤根芽  
蕪壤脫穎筍穿壁擷香憐雞蘇折甘嗜燕麥粟腐切方圭乳  
餅斲貝壁孕子椹受剝贅聃石被馘兔目淘夏槐鹿角茸臘  
炙菁託諸葛呼巢以元修斤莧襄蔡守清薇怨周節逆邪蒿  
義所攘穢萎理堪啞薄利嘉拔葵省謗惡遺蕙窮餐齋酸黃

儉啖薤留白閑情付田園生意仰膏澤莢齊翠疑翦甲圻綠  
訝擊掩冉煙際姿蔥蒨雨餘色始擬惜滓染載滌畏虫螫新  
薦或在邊薄湘亦須鬲求久漸投醪致爽遽沃醺不煩僚友  
送敬向先聖釋對屠誇大嚼燕客忻小摘梓羞不過二甕菹  
當飮百未能著蔬經安敢踰食籍旨蓄足山廚素供過香積  
用茲卒歲年庶得勤朝夕賓魏徐見厭厄陳顏自憚潔奮士  
恥污造橋盜懷恤抱囊忿設機授書誦求益縱馬因致憂吞  
姪遂亡謫萬錢柳復乞片金華還擲仕知呂姪妄居味鄭人  
識枕肱伸尼樂傷指范宣扼鼎臍固云嘉食單亦足適敷淡  
分所安堪味欲易極毋因口體累遂使愆民德

田按唐卿於越之桂桐里治圃結茅署曰菜邁徧徵  
名流題咏幼文此詩最為擅場楊孟載舟入蔡河懷

### 明詩紀事卷八

五

幼文詩云縱橫千字威生筆迭若百韻余公萊卽謂  
此詩也高季迪姚菴詩附錄於此季迪詩云桂桐  
里中君始歸菜花滿園黃蝶飛桔槔倚樹長不用江  
南雨多山土肥方畦獨逸看新綠晚食何須向思肉  
翠樓登盤春莖香金釵出金冬菹熟我亦須在尊菹  
鄉秋風便應歸共嘗潮州司馬成何事回首空愁萬  
足羊獨菴詩云余君抱奇言不誇種菜擬學元修家  
臨溪築廬競誅草傍路樊圃多編葭長鑿短鑿自成  
列不與文筆相三加吐畦餘條在橫縮溝澗一隨  
斜種多不減三十畝分苗種一畦既傳渤海菹五色更  
親抱甕設計巧欲爲翻車一畦既傳渤海菹五色更  
接東陵瓜新菹脆美初研餼瓠肥白纓燂馬齒  
忽驚齊發莧牛乳始識駢垂茄芳心纏絲惡網蛛老  
葉畫籊析涎蝸自能壘土不無穢便可應登柔嘉  
長奴芟夷脚自赤老婢採擷還豪不令筐筥辨何  
藿反任鼎俎兼魚蝦莼美大適頗豪適蘋齋可辨何  
咄嗟誰云小摘畏傷指我欲大嚼常搗牙爾時藿杖  
叩君室且需木耳并槐芽苟能眞率見情親葵藿酒  
薄兼尊汗一浼自足飽空腹豈待薑桂烹雞爲丈夫  
不能知此味五鼎日食成淫奢君今措事慕諸葛蔓  
菁隨處爲生涯

余堯臣一首

堯臣字唐卿永嘉人為張士誠客明初謫徙濠梁旋

放還授新鄭丞有菜適集

田按唐卿與楊基張羽徐賁王行王彝宋克呂敏陳則釋道衍為高季迪北郭十友季迪答余新鄭詩云日高破甍煙未起閉戶不絕哦詩聲又云須臾出君寄我札上有秀野軒句如瑰瓊亦豪於吟事者惜集不傳僅見題秀野軒一詩而已

秀野軒詩

溼翠浮草芽空青散木杪輕舟理橫塘歸人渡清曉棲鴉返  
故巢潛鱗濯新藻倒景淡斜暉迴颺蕩晴昊衝門夜不扃燕  
坐事幽討落葉秋自飄殘花春慚埽我欲往從之稅駕苦未  
早揮手謝孤雲去去沒蒼微

明詩紀事卷八

六

田按秀野軒圖卷乃朱澤民為吳人周景安作者澤民山水蒼潤清逸此圖最為名蹟歷藏樵李項氏江都高氏卷前周伯溫為之引首象秀野軒并大字卷尾題者二十一唐人唐卿此詩亦在秀野軒三大字卷詩之佳者附錄於此高啟詩云江晚洲渚交雨晴草菲菲前山靄欲闌於此高啟詩云江晚洲渚交雨晴草半扉乍休田中未猶響林下機此鄉即桃源亂後世有稀開圓身已到不知塵境非徐想詩吟曠處亂幽尋軒居湖上林竹陰看釣魚跡論閒心王行詩云曠渚風涼到琴相過有鄰叟應只論閒心王行詩云高館罷零雨前榮颺微風罪碧蘿花吹落酒竿中移席俯流水揮絃度秋鴻窈思獨樂意逸哉誰與同高人畫掩扉裊裊藤梢上書籠窈窕幽花映灑秋香返照翠林被春綠不省睚陽書裏看細路經邱杖藜熟徐暹左詩云春風十里翡翠屏玉遮對峙峨眉青清泉白石雜花竹天放畫圖鍾地靈高人問軒當此景影我亦托迹耕漁間結屋讀書湖上山抱琴訪子從茲始布鞵青鞵相往還

王行一首

行字止仲長洲人洪武末坐藍玉黨死有半軒楮園

二集

四庫簡明目錄王行詩格清剛駿爽在北郭十子內與

高啟亦稱勍敵

筆精吳郡王止仲國初布衣也王文恪筆記稱其才

敏嘗識姚廣孝於未遇余嘗得楊文敏公遺書中有

王行半軒文集十二卷寫本也其詩不甚多如高館

疏簾晚乍開讀書聲裏故人來山中本自無塵土催

得家僮掃綠苔清逸可誦

田按北郭十子能畫者五人幼文畫蹟流傳最多孟

載來儀仲溫止仲今罕傳者止仲喜發墨成山水時

人謂之王潑墨自題所作畫詩云高館良宵睡思遲

葛巾重著半曛時都將滿抱林泉興付與間窗墨半

池可想見盤礴之趣矣

題雲林畫

每看新圖憶舊游遠情閒景共悠悠亂鴻沙渚煙中夕黃葉

江村雨外秋亂後得安翻訝夢醉來因感卻生愁那能便結

明詩紀事卷八

七

滄洲伴重向煙波覓釣舟

宋克一首

克字仲溫長洲人明初徵為侍書出為鳳翔府同知

劉鳳續吳先賢讚仲溫謝容杜門取薄賑臨魏晉書

窮晝夜不廢迷精其藝真行草皆有意稱妙盡古

法今所傳七姬志等類鍾元常祝允明論書謂如初

筵忽見三代鼎彝蓋亦天授非人工能逮時又有宋

昌裔者工力不減克時稱精媚

六視齋二筆宋仲溫書法急就勁利古雅髣髴鐘鼎

溢為繪事唯寫細竹嘗見其作雞栖石叢篠一幅題

語極自滿意有藝成不覺自斂手之句蓋謂不可復

得也

畫史會要宋仲溫善畫竹評者云雖才岡尺壑而千

筍萬玉蕭然無俗氣曾在試院卷尾以硃筆掃竹一

枝故張伯雨有偶見一枝紅石竹之句

田按明初書家仲溫與宋廣稱二宋合宋璘稱三宋

君論我居笠澤已十載看竹惟君欵我門又云宋公

天下士畫竹就鼓琴來我北渚下相從論古心元鎮



不輕許人者仲温之品概可知矣

秋日懷兄弟

秋至憶兄弟蕭蕭木落初如何去鄉國不見有音書漂泊全無定存亡半是虛風塵幾時靖還似昔同居

呂敏二首

敏字志學常州人徙無錫元末為道士洪武初官無

錫教諭有無礙居士集

田按高季迪有送呂山人入道序云山人少欲舉進士遭時兵興避地梁溪汾湖之間閉門教授服弊茹糲以勤苦自厲絕不干於人久之猶以為未也適著黃冠謝遣弟子將東遊海濱求大山長谷而居之又贈之以詩云海風寒拂紫鬚煙初著黃冠已稱便蓆裏竟拋紅葉字燈前雅寫碧苔篇客窗炊黍回新夢仙同偷桃記昔緣亦欲盡將書策棄山中依子學長年同時李延興亦有送志學詩云賦罷長楊戴鷓冠

明詩紀事卷八

八

再寄高季迪

空谷白駒那可羈高踪祇欲慕天隨吳江日去應無恙甫里春來定有詩花憶杏園攜酒日雨思山館聽鶯時去年亂裏從遊處肯信于今又別離

為惠機長老題徐幼文寫惠山圖

天寒華表鶴歸遲隔世令人起遠思偶見漪瀾堂上畫猶看

悟澹卷中詩幼文為道機長老寫惠山圖肆筆道麗清潤而帶書法幼文已矣而畫獨存感歎賦此幼文詩

籤題悟澹集漪瀾卽惠山堂扁也無錫縣庠呂志學題實洪武庚申七月也

陳則一首

則字文度崑山人洪武初以秀才舉授應天府治中

擢戶部侍郎謫大同府同知遷知府

張大復梅花草堂集陳文度少與高啟徐賁張羽楊基相倡和嘗賦紫菊同社亟稱之呼陳紫菊

小孤山阻風寄止仲季迪

五本麻下賦紫菊同社

山葉盡霜飛空蒼出翠微一僧同月宿萬鳥合雲歸地勢疑成峽湍聲不過磯自非風信阻登覽亦相違

唐肅十六首

肅字處敬會稽人元末官嘉興學正洪武初召修禮

樂書擢應奉翰林文字兼國史院編修以失朝罷歸

謫佃濠有丹崖集八卷

明詩紀事卷八

九

詩談唐肅謝肅驪驪驪並馳藝苑唐有子之清克繼其學

國雅唐處敬山色元來蜀江聲直到吳月到翻經榻苔緣挂壁琴亦是高唱

田按處敬入吳與高季迪為詩友季迪貽處敬序云余世居北郭同里之士有文行而相友善者王君止

仲一人而已十餘年來徐幼文自昆陵高士敏自河南余唐卿自永嘉張來儀自潯陽唐處敬自會稽各

以故居吳於是北郭之文物遂盛矣其移家構李也贈以詩云杏花開北郭誰復共招攜其為寓公增重

如此處敬與謝密菴稱二肅密菴集佚四庫館開從示樂大典錄出丹崖集收藏家尚有傳本迄

今並時藝苑核其詩品正不相下處敬兼長六法嘗自作梅石圖賦詩題之

送陶元庸

有酒澆趙州無酒酌鸚鵡不逢平原君何須識黃祖殺姬謝

覽士茲事付塵土誰能愛文章甘受嫚罵侮丈夫氣蓋世身

為知己許蒼茫風塵際因子慨今古臨歧舞劍霜隼凌平

楚夫矣江國遙相思隔津鼓

會上人臨流亭

長川流壘華構鬱翹翹暈飛涵綠淨洞敞納鮮颿遙窺眾  
峯碧仰睇孤雲飄開簾聞驚鷺俯檻見遊儵杜蘅旣春敷菱  
荷復夏饒以茲悟物理於焉解天弔昔靈秋獻題詩吳城  
借朱伯賢王叔閏過忒上人庵得出字清鑿奇手韻詞  
幽莖接重郭窮冬變陽律爰從隱者徒適憩禪子室翩翩花  
雨滿冉冉妙香出止水不生瀾空林長見日觀習神宇澄言  
忘道機密由來玄度高獨愛支郎逸

夜坐懷龍子高

暫別已覺久重來杏難期憶君山下屋啜茗談新詩君詩無

明詩紀事卷八

十

今人李杜期攀追酒酣髮衝冠燕歌激虹霓壯哉江海士天  
馬脫馵羈如何舍之去仗劍逐軍麾鞞鷹十二翻傍人良苦  
飢何當飛墮前共此秋月輝

題畫

春齋晝坐花落初客來示予古畫圖圖中人物誰所摹衣冠  
似是晉代餘中床獨踞美丈夫烏紗籠髮髻鬚右手摘阮  
意自如左手控絃分急徐繞床六人皆麗姝纖腰髻髻長裙  
裾一擎羽扇立床餘一負塵拂髻柄朱左右二姬意態舒一  
垂短袂一籌襦一姬手中紙筆俱濡毫展幅若有需一姬執  
器製特殊非簫非箏非笙竽紛然列侍豔且都爭妍競巧爲  
主娛公忠世許王司徒亦有短轅金犢車還客此圖起長吁

智伯頭飲器歌

飲伯頭些伯鬼伯死甯知頭作器玉盤酒滴腥腥紅血波倒  
浸泥丸宮雷吼無聲電睛墜伏犀骨斷漆花膩老龍一吸銀  
海澁飲闌擲杯怒髮立英魂夜半不敢泣君不見君漆頭臣  
漆身恨君藍臺爭諫臣

秋江圖

妾家住銀塘石楠秋葉香憶君蕩槳去江水與愁長西風夜  
泣蒨花露鴨背岸低人不度冷莎如鍼刺煙素鴛鴦飛來鷓  
鴒去

緡雲歸隱圖歌送陳魯山

高堂雲壁雲模糊挂君緡雲歸隱圖緡雲之山古仙都千朵

明詩紀事卷八

十一

萬朵青芙蓉側聞軒皇此云徂至今瑤草甘露腴陳侯十年  
戎馬劬腰間厭帶黃金符侯封廟食胡爲乎不如還山尋舊  
廬青林石道羊腸紆上有裊裊哀猿呼陳侯是時騎蹇驢卓  
鞭微吟落日孤山中之人夷皓徒聞侯此曲應笑娛丹泉釀  
酒香拍壺玉桃如瓜味如酥陶然一醉千日餘侯不歸來實  
侯愚

劉松年山居圖

曾逐大茅君峯頭卧古雲烏青呼作使鶴白養成羣客較丹  
砂法童窺玉參文近來煙火斷花氣作鑪薰

送朗上人遊天臺

嵐翠溼袈裟春寒礪未花峯尖認華頂鳥語譯頻伽葉落常

眠虎瓜香不啖蛇遙知齋鉢裏  
仙女借胡麻

蔡淵仲散木菴歸來圖

虎觀綉書罷龍江返棹初  
白金君賜重黃髮宦情疏  
浩蕩芝山色蕭條散木居  
春田猶及種歸理白雲鋤

鏡湖圖

自憐一曲有心期不用黃冠  
詣闕辭舟近香爐峯下泊  
馬從酒甕石邊騎春雲竹護  
方千鳥霜樹鴉唳漢守祠面  
面屏風開水墨朝川今日屬  
王維

答虛室別後見寄

喜同溪上狎鷗羣行看山光  
坐看雲棋拂露枰松下著藥  
敲煙碓竹間聞飛觴酒許從  
頭餽險韻詩教隔手分爭遣  
別來

明詩紀事卷八

七

相憶甚正如前日未逢君

錢塘書事

鬼馬蕭蕭踏暮雲花奴唳殺  
故將軍雕弓不返腰間鞞玉  
貌空唳馬上裙報國有心徒  
耿耿馭兵無律竟紛紛關西  
太尉非華胄誰撰騏驎石上  
文

別朝詩集此詩爲楊完哲而作

雲林畫竹石

木落秋吟夜露翻山空無人  
石榻寒不似君家子午谷雲  
旗晝下玄都壇

應制賦海東青

雪翻能追萬里風坐令狐兔  
草間空詞臣不敢忘規諫卻  
憶

富時魏鄭公

姚福青溪暇筆洪武間翰林應奉唐肅有應制賦海東青一絕自記云是日吐御奉天門外西廡房觀海東青翰林學士宋濂因陳日禽荒古所戒上日朕聊玩之耳不甚好也濂曰亦當防微杜漸遂起嗚呼我太祖聖明天縱固非唐太宗所能自然宋公之直誠不在鄭公之下而肅之詩亦可謂善於規諷矣  
謝肅 十四首

蕭字原功上虞人洪武中舉明經官福建僉事以事

下獄死有密菴集八卷

戴長九靈山房集密菴五言古則本之魏歌行則遵李杜近體則祖少陵他若山川之詠謬補志之缺略紀行人物之廢興可以正史策之訛謬補志之缺略紀行之詩而至原功可謂盛矣  
田按惟四庫提要稱密菴集傳本人希藏書家罕著於錄惟永樂大典中所錄肅詩文頗多採綴編次歷為八卷明初專集如錢宰臨安集藍仁藍山集藍智不甄錄明初專集如錢宰臨安集藍仁藍山集藍智

明詩紀事卷八

七

藍澗集鄭潛樗菴類稿龔敬鵬湖集皆從永樂大典錄出原功古詩樸健七律尤為到格牧齋謂原功出按漳泉有虎患移文告境內之神即日遁去今觀集中有論虎行自序云將之暮南道出遇化人云有虎傷人者甚眾余未信薄暮而行果遇虎人伏不敢動良久將遁辭以論之并示入閩官吏詩云當前立馬一叱虎卒隸意方崢嶸鏗鏘焚香明奪晝照耀唯谷無潛形夫以卒隸之眾焚香奪晝之明虎雖狂吏其日我職分符省風俗伏耶兔必埽得意蓋以虎兇跑躍最豪雄嚼人肥已當先戮其後刻布政使薛大昉不職竄法有如此虎矣世遂附會其說移文告神虎遁出境若宋均渡虎之事不絕於後世也異哉

河陰渡

朝發武陟城夕宿河陰渡平原鬱蒼蒼蔓草已多露展我素

鞵瑜偃息並匡樹洪濤與風會惹若迅雷怒揆余江海士止

遊隨所遇一葦苟可杭濟險亦奚懼所念形影單恆饑在長

路中田豈無稼不受一飯顧引領望故鄉已復星漢曙宣尼  
川上歎使我獲深晤

門有車馬客行送倪孝方

門有車馬客意氣何桓桓既持倚天劍復戴切雲冠自云報  
恩子不畏行路難有能遇國士一語披肺肝而我不解事抱  
瑟齊門彈知已諒難得盛年嗟易闕落拓走吳楚與子聊遊  
盤懷才既無補竊祿非所懼念彼古豪俊必卑小官逢時  
展經濟乃使蒼生安之子素倜儻此道期相敦明當別我去  
贈以翠琅玕

和楊鐵崖分韻顧仲英春夜樂

回文織就春機紅郎君歸馬如飛龍香閨畫屏燒絳蠟小几

明詩紀事卷八

四

清箏響銀甲翠鳳纜炮白鹿烹鬱金美酒玉花罍瓊杯漱澀  
妾爲行氣耐笑絕縵胡纓大地有維天有柱妾豈無心終事  
主還憐獨宿含嗔婦燕子樓寒半簾雨

宋內門

何處前朝虎豹關海鮮橋上雨斑斑落花暮逐流觴水芳草  
春迷疊石山列帝玉京孤塔底梵王金構夾城間空餘往事  
南翁說汎海龍舟斷不還

題丹山赤水洞天

雲北雲南山萬盤仙人宮闕俯巘岼晴峯落影半天碧雪瀑  
飛花六月寒白日雙鸞翔玉宇長年一虎卧瑤壇桃花莫使  
春光老遲我歸來轉大還

送浙東憲史陳天祥歸永嘉

迎客臨江小小亭官梅花發酒初醒舟前浪起蛟門白馬首  
風迴雁蕩青進食吏人趨傳舍索衣兒女拜中庭會令憲法  
行中國三尺鉅刀始發矧

洪澤

東流澤受羣流廣遠近雲飛倒影過萬古蛟龍深處有太陰  
雷雨四時多牙船實欲通淝水錦纜虛疑轉汴河會整廢田  
重灌溉楚農齊唱有年歌

盱眙

長淮清泗東南闊第一山當碧漢橫勝地幾迴經戰馬客舟  
千里聽唳鷺波濤晴動僧伽塔草木春深義帝城天際汴河  
來滾滾陳留遺俗最關情

明詩紀事卷八

五

入閭門

亂後閭門暫得歸暮春三月馬駢駢桃花也復如人面柳絮  
依然點客衣畫舸神仙流水遠綵雲樓閣劫灰飛姑蘇兩度  
看游鹿莫倚東風問是非

自查湖下湖頂還孫溪

大查湖曲地透池北轉蘿巖萬古奇返照弄霞美女嶠冷風  
激樹雁門祠木健穩載蘆簫響小鳥驚看蓆帽欹黃葉滿林  
茅屋近不妨吟嘯過溪遲

甲寅六月十五日夜蓀溪書舍玩月有懷任魯民先生

時任已逝



嬾婦山高湖水深狂夫遙夜發清吟  
臨流團扇颺荷氣玩月胡床轉樹陰  
聊適灌園今日意敢論經世百年心  
乾坤俯仰相知少愁對朱絃振古音

再過積慶菴

匡谷盤迴路轉緣日高猛虎卧庭前  
好茶曾啜山僧碗獨樹重維野客船  
夏蓋峰青龍過雨上妃湖白雁橫天  
低徊謾盡登臨意海寓蒼生已宴然

七月十五夜太湖看月

震澤早秋秋月明老夫此夜頗關情  
三千餘里出閩海七十二峰看洞庭  
恍漾金波浮大地淋漓元氣溼青冥  
茫然錯料鷗夷子倒載西施一舸行

明詩紀事卷八

六

詠小桃用前韻

每愛天桃紅勝錦桃紅似客愁  
新去年花裏會傷別萬里天涯  
又見春芳景易隨流水謝多情  
猶韻玉笙頻劉郎白髮風流在  
莫道尋眞未遇眞

明詩紀事卷九

貴陽陳 田輯

田籤

孫賈十一首

賈字仲衍南海人洪武庚戌舉人授工部織染局使尋出為虹縣主簿擢翰林典籍復出為平原主簿坐累逮繫旋為蘇州經歷謫戍遼東坐藍玉黨死有西

菴集八卷

四庫總目孫賈當元季綺靡之餘其詩獨卓然有古格雖神骨雋異不及高啟而要非林鴻諸人所及黃哲李德王佐趙介與賈號南園五先生哲之五言古體祖述齊梁德之七言長篇胎息溫李俱可自名一家見所長

明詩紀事卷九

一

黃佐明音類選吳下四傑嶺南五先生大家輩出莫不比興成音其深於詩者乎詩談嶺南孫仲衍王彥舉黃庸之趙伯貞李仲修時稱五傑惟仲衍清圓流麗明珠走盤不能自定彥舉雄俊豐麗殆敵手也德慶李文彬亦時勁敵後瓊山邱濬詞雖豐腴勁秀則少矣國雅廣中四傑並有盛才特閑於七言如孫之蔣陵兒次武昌黃之戰城南李之秋情等篇能自迥出常境綺晰處亦類初唐語詩藪孫仲衍驪山老妓行濃麗繁富殆過于言而中多猥尤孫同時嶺南黃哲亦長七言古才情少劣氣骨勝之

屈大均廣東新語廣州南園詩社始自訓初五先生越山詩社始自王光祿漸遠倫祭酒社始自陳宗伯始自郭光祿葉王光祿舊會論廣州名流十有二人子壯而宗伯復修南園詩社與廣州名流十有二人倡和葉石洞云東廣好辭縉紳先生解組歸不問家人生產惟賦詩修歲時之會粵人故多高致乃爾摩詩自五先生振起至黃文裕而復興陳雲淙云太史公謂齊魯文學其天性粵於詩則有然矣我國家以淮甸為豐鎬則粵應江漢之紀風之為首二南也五先生以勝國遺佚與吳四傑闔十才子並起皆南

音風雅之功於今為烈  
本事詩仲衍才調傑出四人之上卽吳中四傑亦應

鄧球詠化類編孫黃博學善詩豪逸足追古為宋潛  
一詩云鼙鼓三聲急西山日又斜黃泉無客店今夜

宿誰家既誅太祖怒曰彼有如此好詩汝乃不奏而遂  
殺之前詩對太祖怒曰彼有如此好詩汝乃不奏而遂

趙翼咳餘叢考明孫黃為藍玉題畫臨刑口占云云  
按此詩乃五代時江為所作為建州人值王氏國亂

擒友欲亡奔江南為草投詞色無捷乃索筆宿詩  
日衙鼓驚人急西傾日又斜黃泉無旅店今乃移之

家事見溥陽陶岳所撰五代史補第五卷今乃移之  
仲衍何耶豈仲衍自作耶刑時誦此詩以寓哀聞者不知

田按仲衍與彥庸之仲修伯貞稱南園五先生其  
實南園結社抗風軒中吟侶仲初一舉之伯貞年

與也西菴集中琪琳夜宿與彥聯句序云疇昔年  
十八九時一聞人相與友善若洛陽李長史仲修

鬱林黃別駕楚金東平黃通守庸之武夷王徵士希  
貢維揚黃長史希文古岡蔡廣文養晦番禺趙進士

安中及其弟通判澄徵士誦北平蒲架閣子文三山  
黃進士原善共結詩社南園之曲豪吟劇飲更唱迭

和而彥舉與余為同庚情好尤篤獨不及伯貞名黃  
才伯云伯貞嘗以一藁自隨遇景卽投詩其中絕不

爲人留題繕紳恆病和其猶日往還西樵泉石間獨與  
八翁劉樂善相恆病和其猶日往還西樵泉石間獨與

園更迭倡和而伯貞自成一家言世以四子並之稱  
五先生此亦伯貞不與結社之一證也繼讀伯貞聽

詩社有云南園多酒伴有約候新晴句似曾與南園  
耶仲衍於詩社中獨推許彥舉其聯句序歌云昔在  
越江曲南園抗風軒羣英結詩社盡是琪珠仙滄洲  
之盟誰最雄王郎獨有謫仙風狂歌放浪玉壺缺劇  
歡淋漓宮錦紅青山倚庭梧未已王郎拂袖冷花前  
飲呼小玉彈鳴箏醉倚庭梧未已王郎拂袖冷花前  
終忽有華月出山東裁詩復作夜遊曲銀燭飛光未  
似虹當時意氣凌寰宇湖海聲詩萬人許酒徒散著  
黃金空獨卧茅檐夜深兩讀此詩可想見南園風雅  
亭當與南園抗風軒並峙不朽也

輸役蕭牆

係組赴烏臺解佩辭禁垣弛刑許輸役獲譴尙承恩踟躕感  
明省引咎復何言平明操板築日沒就微纏寒氣襲故裘重  
負賴我肩撫已諒無愧服勤思蓋愆息杵入屏城仰瞻東華  
門祥光拂左羸卿雲護彤軒翬鳳麗羽翰飛棧高中天重關  
起象魏光彩一何鮮百辟羅周行鳴珂翕鏘然皋夔儼穆肅  
董賈來翩翩白日光照融下照甯有偏微命嗟薄劣獨茲阻  
周旋

田接黃才伯廣州人物志云仲衍為平原簿以事逮繫有旨輸左校板築蕭牆望都門謳吟為粵聲督工者以聞召至上前陳所作詩皆忠愛語特命釋之當即指此詩也

紫駱馬

明詩紀事卷九

三

紫駱馬黃金羈妾家夫婿金陵兒金陵正值繁華時日與遊  
俠相追隨追隨遊俠金陵下長跨金羈紫駱馬賭勝初登蹴  
踘場縱酒還來鬥鷄社越羅楚練照晴空飛鞍揚鞭去似龍  
卻轉端門迴輦路斜穿夾道過行宮行宮夾道通三市長使  
旁人誇意氣紫陌春融錦繡連青樓日暮簫笙起青樓娼女  
砑羅裙清歌宛轉駐流雲歌闌陌上春風度舞罷樓前璧月  
新陌上樓前相識多相陪相引屢經過房櫳寂寂交疏裏雲  
鬢粧成奈爾何

羅浮歌寄洛陽李長史仲修

亭亭西樵峯宛在南海湄日華麗仙掌影漾金銀池我昔偏  
舟恣長往凌風浩蕩煙霞想尋幽更欲探神奇復向羅浮事

仙賞仙家三十六洞天羅浮竄與滄洲連丹霞射影四山靜  
羣真環珮來翩翩藥珠之峯數十丈君時與我緣蘿上水簾  
直下飛晴虹萬壑天風度流響山中劉郎司玉臺仙書授我  
琅函開心如明月炯虛照身與浮雲同去來此時會合那能  
再塵土分飛忽三載我行奏賦登金門君亦乘船渡淮海淮  
海迢迢煙樹深相思歲晚結愁心長風萬里碧雲遠何由一  
寄還山吟山中洞房春寂寂山中之人長嘆息松花酒熟人  
不歸瑤草春風幾回碧

平原田家行

零星矮屋茆數把散住榆林柳林下磊墻遮雪防飄風婦女  
頽垣拾磚瓦黃牛買得新墾田土戟犁淺牛欲眠古河無水

明詩紀事卷九

四

掛龍骨自縈蒲繩探苦泉山蠶食葉黃繭老野火燒桑桑樹  
倒四畔靈雞喔喔曉九月霜風落紅棗春絲夏絹輸稅錢木  
綿紡布寒暑穿夜春黃米爲新酒學唱清商作管絃平田旱  
多麥少熟杏盡梨枯惟食粟衣粗食惡莫用悲猶勝北軍離  
亂時

題黃萬戶德清羅浮圖

將軍昔年在東都虎頭鐵面專城居重營柳暗流蘇帳左掖  
花明金虎符東都郊外多林壑將軍公餘事行樂露冕旌廬  
隘北山行廚賓從如東洛紫雲白雲千萬峯羅浮更在二雲  
東古木千章排疊巘飛泉百道瀉晴虹仙家洞天三十幾羅  
浮竄在滄洲裏紫極房櫳倚日開藥珠樓觀經天起簷霞道

士不知年夜禮星辰誦內編龍種玉芝耕赤谷鶴啣瑤草下  
青田將軍此時事幽討追攀極欲凌穹昊扶桑縹緲徐福舟  
輦路依稀漢陵道別來倏忽幾冬春京洛相逢車馬塵石室  
琅函仙夢遠朱衣瓊珮歲華新新圖誰爲將軍作點染猶能  
記縣邈雨過琪花定滿壇星沈寶氣應連閣我與將軍總可  
憐遠遊經歲復經年羅浮清賞如堪再同賦陶潛歸去篇

醉翁捕魚圖

小孤洲前春水綠泛湖小船如小屋白頭漁父不解愁往來  
捕魚湖水頭得魚換米納官稅妻孥衣食長優游大兒十三  
學網罟小女七歲能搖櫓江口賽神夜吹角村邊賣魚朝打  
鼓雨來維梢依古岸風起鳴榔入長浦荻芽短短桃花飛鱖

明詩紀事卷九

五

魚上水鱗魚肥膾魚燒筍醉明月蠻歌唱和聲咿咿月明在  
天光在水但願年年只如此無風無浪安穩眠湖中有魚魚  
得錢

次李陽河

櫓聲咿咿如人語魚吹浪花作飛雨停船把酒小孤山頃刻  
回梢失前侶危檣五兩飛向東李陽河水起西風江豚翻浪  
出復沒舟人倚柁認晴虹秋雲陰陰樹葉脫樹頭黃睂猶  
眈眈日雲開楚天豁

送翰林典籍張敏行之官西上

燉煌城下沙如雪燉煌城頭無六月關西勁卒築防秋捷書  
夜半飛龍樓九重下詔徵貔虎推轂上將開都府黃旗卷日

大軍行旄頭化石夜有聲燉煌迢迢五千里十月卽渡黃河  
水上將翩翩才且雄平戎不數貳師功叱咤猶在輪臺北匹  
馬已入渠黎國左校偏裨晚射雕倚鞍醉索單于朝西山黑  
風吹墮瓦霜角吹秋塞垣下太平今見遠宣威君往從戎幾  
日歸幕下文儒兼解武詞林從此有光輝

田按敏行名訥長安人元進上入明爲翰林典籍其  
之官甘肅衛經厯宋景濂行序贈行云敏行官典籍  
時四庫之書多藏文華堂堂在禁中舊爲諸俊秀肄  
業之所中使傳宣索書卽啟鑰以上一日御東房  
窺見敏行委蛇入堂召而前曰爾能詩佳由是日承  
濡毫跪寫以進上覽畢悅曰爾詩甚佳由是日承  
問特命爲甘肅衛經厯賜內府金以寵其行凡所與  
游皆爲賦詩仲衍此詩當卽此時作也仲衍又有詩  
贈敏行云文章堂上論交日對榻哦詩白晝長晴日  
畫簾窺水暈暖風羅袂散天香尋常應制才堪並四  
高敏行蓋亦擅吟事者借無詩可採附見其事於此

明詩紀事卷九

六

高郵

山日未出煙渺茫高郵放船催下江搖櫓唱歌白鷓子過湖  
打鼓黃頭郎鳥拖雲葉低貼水魚喫浪花高接窗微官所得  
幾何計吟鬢四十今蒼蒼

采石太白墓

冠履何年墮世塵先生元是謫仙人春雲彩筆驚飛燕暮雨  
滄江泣石麟牢落清名元不死衰遲大雅竟誰陳儵然我亦  
狂吟客思殺風流賀季真

次黃州

日落放船鳴鷓洲漢陽煙樹白幽幽江豚數起浪花夕野鶴  
一聲山木秋帆影掠雲過赤壁櫓聲搖月下黃州何因散髮

林皋下得似蘇仙爛漫遊

黃哲 五首

哲字庸之番禺人明初以薦拜翰林待制入書閣侍太子讀書尋兼翰林典籤出為東阿知縣遷東平通

判罷歸尋坐法死有雪蓬集

黃佐廣州人物傳庸之刻苦讀書通五經嘗借文選手抄之遂能作詩性好山水結廬蒲澗往來羅浮峽山南華諸名勝以為未足辭家度庾嶺遊吳楚齊燕一時湖海英豪皆與遊焉當風雪時泊舟秦淮遇朱文昭徐穎輩相與握手吟咏沽酒大噱二人名曰君才如白雪吾雖知音如吟咏沽酒大噱二人名曰君田拔孫西庵應制賦醉學士歌贈宋景濂景濂集後附錄獨不載此歌西菴本集亦不錄殊為缺典西菴集中應制遊鍾山諸詩亦不見好庸之官翰林典籤時左丞相徐達北伐捷詩太祖命賦詩稱旨未幾兩雨錘山獲應御製七言詩志喜庸之復應命奉和云雨暘時若民乃康孰令燠早憂吾王之復應命奉和云

明詩紀事卷九

七

陽天津欲竭陰虹藏齋宮對越騰馨香真宰默應徵休祥靈祇率職妖魃禳甘霖信宿仍汪洋龍后土占歲穰黍稷報功王道昌小臣頌述歌虞唐魏魏端拱垂衣裳音節殊自高朗庸之非徒擅長風雅吏治亦復可觀知東阿時值旱麥苗盡彫乃齋戒徒跣烈日中詣洪範祠龍池禱雨詞旨哀惻甘澍應時優渥民驩呼曰此黃公雨也庸之有詩紀事云齋沐戒徒御星言趨絳壇屬茲愆陽序雩祀馨衷丹龍欣育深閣神物時蜿蟺馨潔始云薦靈祈紛可于沛然感敷濡庶類同忻懽漸漸在林晚冥冥被岡巒焦原幸沾毫庠塾慶衣冠所協詠歸趨方希民俗安歌誦雲漢元化奚能殫誦此詩如見元魯山一輩人也

秋月篇 詩書彙編 林典 鑑出 為東 阿映 耀 東平

金商鳴素節瑤律屆先秋始見西陵月嬋娟滄海頭清規臨

夜滿澄影際天浮媚浦沈珠迴凝波淨練收常懸鵝鵲暑初

照鳳凰邱碧落宵同映銀潢曉共流梁園生綺夢陳樹感芳



憂爽浹征人，秋光含思婦。樓玉臺情未已，鸞鑑影空留。詎惜  
盈虧屢，仍知晦朔周。關山隨別騎，洪水送行舟。願逐餘輝去，  
蘭堂奉夕遊。

擬古

魯連天下士，夙蘊匡世才。卻敵愧論賞，英聲騰九垓。燕昭市  
駿骨，樂毅趨風來。虎戰躍中野，名成真壯哉。僕本江海人，西  
登鳳凰臺。感此千古意，長吟屢興哀。朝經夷門市，夕醉高陽  
杯。揮戈拂倒影，義輪爲之迴。寶匣絢青蓮，龍文拭輕埃。神光  
夜揮霍，按舞何嫌猜。騰驤爲君舉，願掃浮雲開。

臨高臺

臨高臺，高臺百仞凌雲開。丹霞曙色明九垓，咸陽王氣何佳

明詩紀事卷九

八

哉。交疏結綺紛，紛崔嵬。虹橋複道雲中來，直過南山表。雙闕遙  
連北極正，三階宛轉朱闌開。臨渭水，蜚廉觀閣通天起。銅龍高  
拱日，華鮮青雀飛。翻月明裏鳴瑤搖，珮溢層城錦幄芙蓉翫。  
翠屏寶鼎香酥調，玉食金莖瑞露屑。瑤英瑤英玉食知難老，  
鸞鏡青蛾爲誰好。君王八駿上瑤池，日暮長門怨芳草。芳草  
年年換物華，瑤池歌管醉流霞。皆傳阿母桃成實，又獻安期  
棗。似瓜蟠桃碩棗真堪羨，方朔詼諧侍驪宴。題詩爭擬柏梁  
新，求仙豈意桑田變。願得層臺更萬重，崑崙西望接崆峒。能  
共赤松鞭彩鳳，仍隨軒后駕蒼龍。下顧淒淒茂陵道，惟餘隴  
樹生秋風。

醉歌行爲鄭復初雄飛昆仲賦

山巖巖巖斯水發，長風激激激激激。

昨日風雨中我來自西山不知春早暮花落長林間林間幽  
人心事閑相逢一笑開雲關問我別來春幾度五見飛花滿  
行路黃橙丹荔繞池栽水清離離照芳樹登高酌我黃金疊  
傾情寫意無嫌猜攜觴復就花下飲鳥啄餘花鋪綠苔我惜  
落花君莫掃乘興卽來坐芳草江山如此多閱人與君相期  
恨不早君家伯仲多才雄白眉更是人中龍東山還著謝公  
屐百世行藏安得同爾曹曾辭鶴書召子亦蹉跎走荒嶠華  
髮盈簪已自慚烏中折角從人笑悠悠行路心惟君可知音  
南冠發楚奏拂拭瑤華琴商聲淒淒夜沈沈酒酣風悲月出  
林終然苦調不可聽爲君更賦還山吟他年訪我桃花洞洞  
口花殘春正深

明詩紀事卷九

九

送董文啟之江夏宰

委珮晨看拜玉除西游眞食武昌魚王孫碧草秋無際仙掌  
金莖露下初今日才名須卓茂當年詞賦說相如登臨若對  
南樓月待爾賓鴻寄尺書

王佐 三首

佐字彥舉河東人移居南海洪武初用薦拜給事中

有聽雨軒瀛洲二集

田按彥舉與仲衍蹤迹最密何左丞眞開府廣州兩

人同爲書記後復同遊琪琳聯句彥舉酬仲衍詩云  
春風草檄將軍幙夜月聯詩羽客壇自陳者多被譴  
斥事黃門二年卽乞骸骨歸時臣僚紀其事也彥舉  
同朝諸公詩云天上鷓鴣還接武江邊鷓鴣已忘機  
他年行部如相問秋水蘆花是釣磯以高季迪諸人  
視之有幸有不幸矣

應制賜宋承旨馬

聖明天子齊唐虞四方混一同車書大宛西域總臣附萬馬  
入貢皆名駒天閑十二森成列牝牡驪黃色俱別羅帕輕籠  
錦作羈絲韁穩鞵金爲勒玉堂學士真老臣日日趨朝赴紫  
宸承恩特賜飛黃馬騎出通衢不動塵飛黃之精真天駟四  
足騰驤若星駛况拜親題御製詩奎壁垂芒照人世須知君  
恩如海深臣騎黃馬當赤心風雲會遇有如此彤筆宜書煥  
古今

田按洪武九年拜宋濂爲翰林學士承旨濂字璉爲  
中書舍人孫慎爲儀禮序班太祖時訓誡之笑語濂  
曰卿爲朕教太子諸王朕爲卿教子孫以濂行步艱  
詔太子選良馬以賜親灑宸輪作馬歌並詔諸臣和  
之考功監令華克勤詩云黃馬大宛種權奇骨不凡  
天子賞其駿參在十二閑勅賜詞林老承旨太僕牽

明詩紀事卷九

十

來玉墀裏霜蹶踏風鬣翻錦鞍新翦千花麗老臣  
有子兼有孫同時出入黃金門白頭趨朝戴星起子  
孫扶持來謝恩聖朝行賞不濫施勳臣乃賜龍媒騎  
儒冠一人乃如此稽古桓榮功在茲給事中虞恭詩  
云大明一人乃如此稽古桓榮功在茲給事中虞恭詩  
城西歲歲梯航貢天下重譯來賓混夷且良鬣尾金  
雙瞳方奔騰休誇照夜白驕嘶自是眞飛黃禁林學  
士老詞伯年過六十毛髮蒼近臣傳宣特賜此形廷  
拜舞承恩光官柳垂絲拂寒草奚官牽來錦鞍好阿  
兒前携孫後扶晚涼騎向東門道西風振鬣塵不驚  
家僮卻訝朝回早彥舉臣騎黃馬當赤心句特爲大  
祖所賞賜鈔一錠

氣承平日呈鄭久誠參政

百頃芙蓉畫船賀家湖水連天金盤送果沈冰碗羅扇  
題詩散舞筵往事氛埃成遠夢佳辰風雨憶華年澗蒲九節  
根如玉服食于今笑學仙

江水悠悠行路長孤鴻唳月有微霜十年蹤迹渾無定莫便  
逢人問故鄉

李德四首

德字仲修番禺人洪武初用薦授洛陽典史遷濟南  
府經歷改西安自陳願就教職授漢陽教諭改義甯

州人  
學官有易菴集

田按仲修歷官洛陽濟南西安自陳不能吏願就教  
官得漢陽教諭秩滿改廣西義甯教官黃才伯廣州

人物傳云仲修任義甯縣學教致勸諭科貢漸盛此  
正學官之職而列朝詩集詩綜均云仲修官義甯知

縣誤矣仲修詩長於古體短篇音節流美長篇則才  
力較弱不奈多吟耳

青樓曲

青樓春酣鸚鵡杯孔雀屏風錦繡開銀鸞玉鳳嬌未歇楊柳

明詩紀事卷九

七

斜飛鏗迴雪越娘含醉弄絲桐十纈宛恨哀絲中裁成白雪

惱芳容長卿茂陵髮如蓬

房中曲

金井烏啼風城城桂樹團團江月白洞房秋思滿嬌娥淚滴  
珊瑚眼不得玉臺塵鑑少光輝彷彿孤鸞彩翼垂蓮枯蕙折  
無人惜露溼綺疏生網絲

秋情

燧炬搖紅紗隙隙陳沈香帳底鴛鴦夢芙蓉波冷薄霜凝一夜

離鸞憶單鳳梧桐金井曙嗁鴉夢郎封侯歸妾家開門自掃

枇杷花

送友人

關雲櫛櫛吹沙黃瑤華拂劍春風香鵝黃淺泛玻璃光越妓  
舞衫金縷長江津白白黃灣月神魚撇波龜甲裂湘娥凝綠  
染春衣踏踏青雲郎馬歸

趙介一首

介字伯貞番禺人洪武中坐家累逮赴京道卒有臨

清集

田按伯貞閉戶讀書無仕進意時有南海李韓字或華與伯貞齊名或華有集名夷白伯貞集名臨清黃庸之贈二人詩云夷白抗淨雲臨清延素賞何因繼芳躅一邱同偃仰深致推挹夷白集不傳附見其姓

南樓對月

夜上南樓看月色水晶簾捲銀河碧冰輪倒射滄波寒對此

明詩紀事卷九

三

清光是何夕舉酒邀月真吾儔夜長不用秉燭遊萬里涼風  
滿襟和洞庭七澤涵清秋秋聲冷拂珊瑚樹湘娥鼓瑟鮫人  
語試吹玉管過行雲曲中彷彿霓裳舞霓裳舞罷迴明瑞北  
斗已挂西山傍但願清尊長對月今人古人何足傷

介字伯貞番禺人洪武中坐家累逮赴京道卒有臨

清集

田按伯貞閉戶讀書無仕進意時有南海李韓字或華與伯貞齊名或華有集名夷白伯貞集名臨清黃庸之贈二人詩云夷白抗淨雲臨清延素賞何因繼芳躅一邱同偃仰深致推挹夷白集不傳附見其姓

夜上南樓看月色水晶簾捲銀河碧冰輪倒射滄波寒對此

清光是何夕舉酒邀月真吾儔夜長不用秉燭遊萬里涼風

明詩紀事卷十

貴陽陳 田輯

林鴻

林鴻 十八首

鴻字子羽福清人洪武初以薦授將樂訓導擢禮部

員外郎有鳴盛集四卷

藝苑卮言浦長源林子羽如小乘法中作論師生天

則可成佛甚遙詩數子羽諸體皆工五言律尤勝合處置唐錢劉不

復辨別七言律如珠林積雪山明河拱象筵納經雁宕千

峰雪定入峨眉半夜鐘雲邊夜火懸沙驛海上寒山

出郡樓皆氣色高華風骨道爽國雅林員外才思藻麗如遊魚潛水翔鳶薄天高下

各適性情盧陵劉子高序其集云已窺陳拾遺之奧大有開元之風余所選五言全佳者如芙蓉峯出塞

送高郎中讀書臺其句有苦霧沈旗影飛霜溼鼓聲似戰餘落日黃軍敗鼓聲死又燈影秋雲裏書聲晚

磬中似塔影挂青漢鐘聲扣白雲並稱警絕信不在大愿下也

陳衍槎上老舌子羽詩文一洗元人纖弱之習爲開國宗派第一萬厯初袁太守景從馬參軍用船同選

十才子詩雖復精勤不無望漏如入分滄海色江轉白雲痕山鐘知寺遠海月憶家貧落日扁舟去秋風

萬里心重關逢雪度走馬見星移郢樹侵吳近淮流入海長古柳垂青蔓沙河急暮流三軍隨虎竹萬里

度龍沙古戍冰成壘春湟雪作花谿橋寒三言佳境何以晚藏煙關雲遮斷海雨入吳深皆上寒山出郡城

去之又七言如雲邊夜大鳴沙驛海上寒山出郡城殘煙野戍開寒笛落日楓林見驛梅南粵雲來螺渚

北東歐天接虎門蒼蘇小門前人散後瀟陵橋上燕來時江田未熟晴蕪曉館樹新涼夕鳥喧淮南落木

空白雁晴疎碣舊館空飛寒山遠火人家積雨野戍霜背水孤城晚獨樹臨關一葉秋如此蒼辣警策亦在所刪何也

少洲詩話林鴻寓郡城洪武中薦授訓導起拜膳部員外郎嘗爲僧吟白蓮云淡月瑤池夜微風太華陰

翠翻擊露蓋玉冷壁披簪一洗有為法應同不染身

誰能招惠遠結社向東林又贈行脚僧詩云朝衙暮

復高那識白雲蹤度積逢馴象浮河抗毒龍衲經何

限雪山過幾多峯年老無筋力方懷故院松閩當國

初詩法尚沿宋元之故至鴻始以唐人音調倡鳴鄉

黨遂為一時風雅之宗

朱彝尊曝書亭集閩中善詩者數十才子鴻為之冠

十才子者閩鄭定侯官王褒唐泰長樂高棟王恭陳

亮永福王偁及鴻弟子周玄黃玄鴻之論詩大指謂

漢魏骨氣雖雄而菁華不足謂社交虛宋尚條暢但

陋春華少秋實惟唐元天寶間聲律大備學者當以

是為楷式閩人言詩者率本之鴻

明詩別裁閩中詩派以子羽為首宗法唐人繩趨尺

步眾論以唐臨晉帖少之然終是正派

派按子羽詩以盛唐為宗諸體并工論者謂晉安一

也劉子高序鳴盛集云子羽詩若殷確所論神來氣

來情來者莫不兼備天姿卓絕心會神融子高詩流

其言亦可為定論矣

無諸釣龍臺懷古

明詩紀事卷十

歐閩古夷服無諸漢英雄秦鹿既已死卻辭隆準翁組練照

海色旌旗來故宮赫矣茅土業大哉開闢功事往滄海變龍

飛伯圖空昔日釣龍臺空餘江水中桂殿苔色古空陵雲氣

紅朝夕卷寒潮隱隱聞雷風登臨畢餘景感嘆無終窮

同諸生登絳月蘭若

金人青蓮宇乃在白雲裏久與名僧期乘間卻來此入門聞

經梵挂壁見巾履落澗泉影紅侵廊薜花紫海天正南豁一

望見千里獨樹川上浮孤煙島邊起予生况多暇所性樂山

水真賞非外求真心巢居子

鐔上送僧歸衡山

上人孤閑似雲鶴十五出家住衡岳說法能超最上禪持心

不受羣疑縛世上誰知來去蹤南窺太華北遊嵩衲經雁蕩  
千峯雪定入峨眉半夜鐘于今戒臘青松古猶泛慈航到東  
土楊柳舟中九曲雲笓皮笠上三山雨昨夜歸心繞楚天西  
風杖錫又茫然化龍潭畔清秋別回雁峯頭舊日禪

東王寄王六校文兼似吳二太守

京師二月春雪飛雪後餘寒添著衣曹官祿薄酒苦貴一飲  
百錢恆不醉忽然停杯憶鄉里美髯校文最知已作詩判不  
讓高岑醉後狂吟狂欲死有時忽得意竟上金雞山彈琴酌  
酒送飛鳥心比白雲閒更閒虎頭巖前柳拖地龍池溪上花  
滿灣醉歸騎得將軍馬城上烏樓門未關白頭太守別來久  
別後還能相憶否詞賦終爲紙上塵功名不及杯中酒芭蕉  
葉長近何如前日人來不寄書莫言閩海少飛雁何事秦淮  
多鯉魚

明詩紀事卷十

三

義象行

有象有象來大都大江欲渡心咨且誘之既渡獻天子拜跪  
不與眾象俱象奴勸之拜怒鼻觸象奴賜酒不肯飲哺之亦  
不舖屹然十日受饑渴俛首垂淚憤且吁天子命殺之眾官  
束手不敢屠侍衛傳宣呼壯士披甲各執丈二受象戰久不  
克兵捷象乃殂憶昔君王每巡幸象當法駕行天衢珊瑚錯  
落明月珠被服美錦紅氍毹紫泥函封載玉璽萬樂爭擁羣  
龍趨玉璽歸沙漠龍亦歸鼎湖所以老象心南來誓死骨爲  
枯嗟爾食祿人空負七尺軀高高白玉堂赫赫黃金符伊昔



軒冕今泥塗嗟爾食祿人不若飯豆芻象何潔爾何汚天子  
垂衣治萬世俾全象德行天誅嗚呼象兮古所無嗚呼象兮  
古所無

王圻稗史彙編唐有舞馬祿山使舞不就而戮之昭宗時有獲賜以緋衣謂之猴部頭朱溫旣篡引坐側時有白鷗見幼主崩哀鳴此世皆知也若宋亡崖山太祖登極不肯拜跪竟死爰下國初林子羽有義象行

### 出塞曲

驪馬畫弮弓生爲北塞雄探兵千里外捉騎萬人中虎帳秋  
懸月龍旗莫颯風歸來領旌節立在未央宮  
十五薊門行能探黠虜情潛兵秋度磧牧馬夜歸營苦霧沈  
旗影飛霜溼鼓聲昨來承密詔東築受降城

### 明詩紀事卷十

四

### 送殷秀才之武功

送君遠行役覲省入西秦五月臺江水孤舟去國人蒼山低  
戍壘野日暗行塵無限同遊意分携淚滿巾

### 方廣巖記遊

懸巖太古色恍若入鴻濛一徑攀躋盡諸天杳靄中雲歸山  
殿冷月出水簾空靜境離言說泠泠松桂風

### 王屋山天壇

名嶽推王屋孤標跨杳冥深窺砥柱黑高並太行青分野連  
三晉風雲萃百靈鶴歸松已偃龍去水猶腥竈隱燒丹火龕  
餘煉髓經羽人金磬動應此禮寒星

### 春日遊東苑應制

長樂鐘鳴玉殿開  
千官步輦出蓬萊  
已教旭日催龍馭  
更借春流泛羽杯  
隄柳欲眠鶯喚起  
宮花乍落鳥銜來  
宸遊好續簫韶奏  
京國于今有鳳臺

卷六

麓堂詩話林子羽鳴盛集專學唐宣德間有晏鐸者選本朝詩亦名鳴盛詩集其第一首林子羽應制曰隄柳欲眠鶯喚起宮花乍落鳥銜來蓋非林最得意者則其他所選可知

田按孝陵臨軒試子羽龍池春曉孤雁二詩一日名動京師其應制諸作若隄柳一聯終是唐人名句不得以西涯之論抑之也

### 九日登桂月蘭若憶鄭二宣

微霜初下越王城  
衰病逢秋也自輕  
九日登臨多縱飲  
百年感慨獨鍾情  
斷蟬野寺黃花晚  
遠樹江天白雁晴  
卻憶浮邱炎海上  
懶題詩句寄同聲

### 明詩紀事卷十

五

### 賦得垂楊送客

客路垂楊最有情  
煖風吹綠漸冥冥  
雨深煬帝宮前見  
月落桓伊笛裏聽  
葉暗乍堪藏乳燕  
花飛終恨化浮萍  
分携欲折長條贈  
愁絕河橋酒幔青

### 憶浮邱生往交州

旬日陰霖結不開  
窮居幽草亂侵階  
也知白髮緣愁長  
無那青山與願乖  
行阻看花携濁酒  
卧聞唳鳥閉虛齋  
比來况與浮邱別  
一望南山一愴懷

### 將歸冶城留別陳八炫林六敏

南宮歸後歲蹉跎  
此日逢君奈別何  
野館解鞍行客飯  
寒山對酒故人歌  
蒹葭水國孤鴻度  
橘柚霜林疋馬過  
爲報已無

軒冕夢清冷臺下卧煙蘿

登釣龍臺

逐鹿屠龍事渺茫空臺依舊枕山岡衣冠神禹傳苗裔風壤  
宗周列職方南粵雲來螺渚白東甌天接虎門蒼登臨送別  
兼懷古不惜狂吟倒玉觴

登岳陽樓

湖水平臨夔子國岳陽絕勝濯龍宮樓臺迥出丹青上島峙  
浮來玉鏡中墨客琴尊猶對月榜人舟楫若乘空青蘋風起  
還能賦不獨蘭臺宋玉工

題吳江垂虹橋

雲帆秋晚過垂虹落日鯨波動遠風欲借仙家遼海鶴月明

明詩紀事卷十

六

吹笛水晶宮

王恭二十首

恭字安中自號皆山樵者閩縣人永樂初以儒士薦

修大典授翰林典籍有白雲樵唱鳳臺清嘯草澤狂

歌

四庫總目恭吐言清拔不染塵俗得大歷十子之遺意

閩書王安中寓居長樂採樵行歌自號皆山樵者文

廟時修永樂大典鄭定高廷禮交薦之強起至京年

六十餘矣同郡王偁戲謂曰君無以會稽章綬故來

耶恭答曰山中斧柯幸自無恙大典成試詩高第授

卷廬陵解縉稱其布衣蕭然不慕榮寵強起決去若

朝陽孤鳳國雅王安中思多悽怨許喻頗深如塞下云嘶馬邊

塵黑鳴笳隴日昏昭君云身隨胡地遠心是漢宮愁

寒村云古路無行客閒門有白雲鷓鴣鳴路猶自悲鳴

客莫向雨中嘯老馬云只今棄擲寒郊路猶自悲鳴

向主人讀此例數篇俱堪淚下  
徐渤閩畫記趙景哲工水墨山水師法二米王恭題  
其畫云濡毫不見米南宮墨客猶傳寶晉風應有離  
情何處著盡隨殘雨上青楓可以知其風旨矣  
田按安中詩亦是唐調設色選聲妙極鎔匠與中虛  
舟可抗行二人品次在子羽之下漫士下棠梨花漸  
六十出山旋投牒歸其詠白頭翁云竹下棠梨花漸  
稀白頭相對語依依五陵年少多金彈莫戀殘春忘  
卻飛可謂善於自喻矣

虛白子水墨圖爲陳思孝題

開圖見嵩少妙趣忽已領濛濛花源陰窈窕多靈境石洞闕  
苔紋天窗逗雲影迎秋鷗冠涼先雪荷衣冷長夜何所聞龍  
鳴在西頂

松石峯天王寺

炎暑不可度端居日方永同袍四五人共愛山中靜飛閣軼  
明詩紀事卷十 七

氛埃叢林逗蘿徑潭靜氣已秋竹深午猶暝初沿雙溪轉稍  
入空中境婉婉林鳥聲悠悠野僧定平生好幽玩盡日愜佳  
興山水發清機風泉澹初性口夕徐徐歸雲間響孤磬

舟經彭蠡

揚帆過彭蠡遠見匡廬色瀑布天上來芙蓉望中碧東林鐘  
磬遠沽酒尋陽夕楓林忽鳴猿淒然念鄉國

妾薄命

玉釵墮地無全股雙鳳蟠龍兩飛去雖藏匣底終棄捐欲賣  
傍人不直錢轆轤宛轉黃金井手挽銅鉞繫纖綆誰知綆斷  
鉞墮泉千尺深沈不見影銅鉞墮泉釵墮地君心何得生離  
異

送張少府朝覲

閩州少尹家何處夢裏青山溧陽樹訟庭無事獨哦松走馬  
金陵看花去青繩御路連青天五陵俠少黃金鞭紅橋青幔  
多買醉少尹囊中無酒錢朝回道過鄉山口春風又發秦淮  
柳溧水芹邊二校文相逢爲問平安否

送陳景明遊涪水便登方廣巖

閩山西來多法圍溪西一道通仙源靈花貝葉紛相映道林  
鑿齒皆清言瑤巖二月霜花積千丈垂蘿裊煙碧水簾風捲  
半空寒石室雲來萬山白真僧不見賓頭盧片月孤峯色相  
癯六時天樂聞鐘磬百尺玉潭寫畫圖仙舟此別饒佳趣豈  
學悠悠尙平去林僧定掃壁間苔山人况有驚人句

明詩紀事卷十

八

塞下曲

鍊騎向邊州生隨定遠俟戰餘關月冷兵盡虜塵秋萬骨填  
沙草孤魂集戍樓惟餘忠憤在須獻月支頭

夏夜曲

初月照迴廊鳴璫出洞房竹清殘暑氣荷汎小池香雪腕宮  
羅潤雲鬢夜月涼庭前有梧葉早晚落銀床

題黃聲玉環清樓

樓虛千嶂合水木澹清華積雨仙源白歸雲鳥道斜褰衣凌  
野翠捲幔拂秋霞想見橫經夕蒼藤落數花

題無諸廟壁

野廟大江干蕭蕭樹色寒斷碑荒草沒畫壁古苔乾龍去春

潮在猿鳴海月殘英雄那可問東逝正漫漫

吳城懷古

姑蘇城下刺蘭橈卻憶吳王古市朝香輦路邊春寂寂館娃宮外草蕭蕭千年往事空嗚鳥半夜疎鐘自落潮明發不堪回首處暝煙秋雨過楓橋

賦得白雁送人之金陵

燕山榆葉望秋稀雪羽瀟瀟向楚微夜雨蘆花看不定夕陽楓樹見初飛影隨漢騎營邊落夢遶胡兒夢裏歸君別石城霜漸冷莫雲聲斷欲沾衣

靜志居詩話袁景文以白燕詩得名然如月明湘水初無影雪滿梁園尚未歸翻不若琴川時大本之珠簾十二中間卷玉翦一雙高下飛也顧光遠以白雁詩得名然如錦瑟夜調冰作柱玉關曉度雪侵衣亦

不若王安中之夜雨蘆花看不定夕陽楓樹見初飛也

賦得寺殘僧

古寺蕭條絕四鄰寺前松柏幾回春月明下界猶聞磬杵老荒山少見人貝葉舊聽雙樹法衲衣孤坐兩朝身秋風已爛蒲團草悟得西來意自真

竹裏軒

露葉凝曉煙霜枝老苔石夜半獨行時清涼滿巾烏

苔

要路何曾著閒門積漸多五陵松柏外隨雨上盤陀

秋獵

獵馬向風飛瑠弓白錦衣平明射鵬去日暮五陵歸

俠客

弓騎獵平原春衣污酒痕經過無舊主苔閉孟嘗門

衰柳

西風昨夜灞陵秋千樹蕭條帶驛樓莫道離人空有恨暮蟬

寒雀也關愁

題畫

放鶴亭邊月影涼六橋行處見微霜瘦筇不過錢塘水只對

梅花嗅冷香

書王孫射雁圖

錦袍朱帽綠弓弦卻射飛鴻灞水邊不識柳林關外路白狼

黃鼠滿秋田

明詩紀事卷十

十

王偁二十二首

偁字孟揚其先東阿人父翰流寓閩中著籍永福洪

武庚午舉人永樂初徵爲國史檢討充大典總裁出

參英國公張輔軍坐解縉黨下獄死有虛舟集五卷

劉昌懸笥瑣探吉水解學士籍天質甚美爲文不屬

草頃刻數千言不難一時才名甚課時杭有王洪希

範吳有王遜汝玉閩有王偁孟揚常有王達達善皆

官翰林四人者詞翰流麗孟揚常謂希範曰解學士

名聞海內吾四人者足以撐柱東南半壁識者謂爲

知言

國雅王翰檢孟揚典雅清拔綽有天寶俊聲如諸天  
花雨遍雙樹慧燈懸夜月桓伊笛秋風驃野營孤帆  
今夜發一雁渡江遲江路猿聲早山城榕葉涼一燈  
王兆雲詞林人物考孟揚氣節高勁議論英發文章  
偉博書法道妙學士解大籍嘗稱其人品在蘇長公  
之列  
田按孟揚安中才藻略同孟揚以跌宕馳才安中以

雅麗著美孟揚古詩規撫陳黃門李翰林在唐調中  
特爲高格

### 感寓

團魄載陽燄終古無虧盈因人示腠腠側見死與生蟾蜍薄  
陰采顧兔潛其形何當凌倒景一觀天地精

太白夜食昴流輝燭天街精感動穹漠君心宵見懷白璧忌  
暗投徒使按劍猜所以狂接輿鳳歌歸去來

嬴皇越威武漢帝非仙才玄關秘靈府何處求蓬萊終遺鑄  
池壁空獻瑤池杯但見三泉下寶衣變寒灰

大庭昔酣醉遺此鈞天章遂令鷓首墟虎視吞八荒羸基苦  
莫敢所恃逾兇狂詭命終見奪百二空蒼涼

玉麗不盈把德輝照四隣段生日偃卧迺能蕃衛君澆風薄

### 明詩紀事卷十

十一

士節自碎明月珍求蟬貴明火俛仰懷古人

直木忌先伐甘井忌先竭何爲抱區區照如揭日月至人善  
閉關埋照慎不發入獸不亂羣虛舟任超越襄楚迷帝軒汾  
陽枉堯轍棲心玄靈臺可與世人絕

### 尋小雄仙崑二龍潭值風雨歸草堂作

昔人洗玉髓幽洞驅龍耕丹成輟瑤耒成此秋水泓飛崖夾  
兩鏡洞見雲霞生百鬼不敢嘓雌雄常夜鳴有時湍瀨寒幾  
曲流瑤英清秋墮蟾影白日聞雷聲偶茲訪靈奇掃石窺清  
泠洗心盟鷗鷺濯髮解冠纓長風動懸蘿颯爽毛骨驚飛雨  
洒而至萬壑松冥冥歸途裡桂影了了心目醒到家興未已  
石室披丹經



秋夜齋居懷唐泰

高梧月未出暝色疎煙裏誰離鳴雁來聲在秋塘水孤燈捲  
簾坐寒影對窗几青空吹微霜瑟瑟動輕葦援琴不成音感  
別在千里誰值晨風翰淮波盼遊鯉

龍寺寒泉

靈源沁寒泉空在翠微頂中有修鱗蟠白日煙雨暝小僧習  
止觀木客照孤影予亦洗心人坐來白雲冷

舟中望匡廬

茲山東南美植立雲霞中九疊縈秀色萬古青茸我懷志  
靈奇絳帆喜相逢林端望飛瀑天際數雲峯香爐紫煙滅玉  
鏡澄湖空飛翠落中袖毛髮疏天風顧此遂行役無由訪仙

明詩紀事卷十

三

蹤長詠遠公傳坐憶東林鐘

宿湧泉寺

翠微白雲裏逢秋思一登聳身躡雲壁飛泉搖古藤洞澗海  
天際坐見萬境澄飲澗動羣鹿宴坐逢眞僧邀我宿化城珠  
林懸古燈寥寥片月上悄悄天籟凝因愁向城市塵髮秋相  
仍

長歌行

有淚莫泣鮫人珠有足莫獻荆山玉赤心徒使按劍猜至寶  
翻令笑魚目千金蹈海稱達人五噫出關西去秦負芻不復  
遇知己空歌白石南山春楚卿棄相復何有於陵甘作灌園  
叟雜縣偶集魯東門惆悵胡能事杯酒長風蕭騷百草殘長

缺悲歌涕汎瀾金臺駿骨久已化瑤水風波不可攀畏途羊  
腸能折軸緘書爲謝雲中鵠海上三花久負期醉歸漫託平  
原宿

寄答黃伯亨

戎馬從東來君車正西去有似風吹海上雲天際無心忽相  
遇與君相遇卽相知瀝膽輸肝無復疑虞卿豈顧雙白璧平  
原輕擲二美姬狂歌一斗酒共醉六屏月拂曙登古臺慷慨  
與君別君行五嶺南我阻三山道何處我思君天涯但芳草  
昨朝鴻雁下江煙衙得君書置我前開緘拂冰雪千里情洒  
然念昔與君多意氣相期豈作桃李妍駿生立堂下叔向知  
其賢袁宏發朗咏謝公遂迴船丈夫一語苟有合何必結交  
窮歲年我有古干將繡澁久棄捐宵甘困泥滓恥爲兒女憐  
君有長歌向余寫我有古調爲君宣月明洞口鳴風泉清商  
一曲付哀絃雲山麋鹿可爲侶紛紛薄俗何其偏

怨歌行

絃奏鈞天素娥之寶瑟酒斟流霞碧海之瓊杯宿君七竇流  
蘇之錦帳坐我九成白玉之仙臺臺高帳煖春寒薄金縷輕  
身掌中托結成比翼天上期不羨連枝世間樂參差雙鳳裁  
筠管不謂年華有凋換楚園未泣章華魚漢宮忍聽長門雁  
長門蕭條秋影稀粉屏珠綴流螢飛苔生舞席塵蒙鏡空傍  
閒階尋履綦宛宛青陽日將暮惆悵君恩棄中路妾心如月  
君不知斜倚雲和雙淚垂

秦觀凌歊臺懷古

朝發石頭渚暮宿黃山道携酒眺古臺離離但煙草憶昔茲  
臺何壯哉宋主離宮臺上開臺前寶樹入層漢臺下炎歊隘  
九垓三千歌舞宿雲端公子王孫往復還秦關捷書不再返  
鼎湖飛龍誰復攀繁華一旦乃如此寂寂荒臺秋色裏往事  
徒悲禾黍場殘碑半墮滄江水滄江水流去不迴空陵劫火  
變寒灰欲將霸業問行路黃山落日清猿哀

水蒼梧道中  
驅車九疑道獨鳥東南飛看山不覺遠秋雲生我衣深谷走  
牽籟半岑明夕暉中林有蘭茝薄暮空芳菲

客舍送沙子進赴祿州別駕

明詩紀事卷十

丙

客舍酒初香都門柳色黃一官仍別駕萬里赴炎荒江路猿  
聲早山城榕葉涼遠人勞撫字且勿厭殊方

送趙友同還華亭時水泛三吳

積水渺無際送君江上還九峯何處所迢遞白雲間舊業菱  
荷在秋風鷗鷺閒定知三泖月相見一開顏

塞上曲

逐虜金微道一上單于臺關門秋色斷羌笛夜聲哀少婦龍  
沙夢長安鶴使迴祇今青海月流影碧天來關塞書不再

題米老山水

海嶽菴前覓舊蹤蒼茫雲樹米南宮別來幾片青山影都付

寒鷗一笛風

登月江樓

朝來一上月江樓江雨長涵瘴水流望斷釣槎人已遠青山  
點點是邕州

交州卽事

一騎衝寒到市橋夕陽煙樹草蕭蕭居人猶指高駢塔碧瓦

朱萇尙未凋

高廷禮 十首

廷禮初名棟字彥恢長樂人永樂初以布衣召入翰

林爲待詔遷典籍有嘯臺集二十卷木天清氣集十

四卷

詩數高廷禮擬早朝大明宮及送王季二少府詩如  
旌旗半捲天河落閩闔平分曙色來清川雨散巴山

明詩紀事卷十

五

出大澤天寒楚樹微殊有唐風

國雅高廷禮才識博達嘗輯唐詩品彙世稱精鑒及

閱其集文多而意少且乏新興至擬古諸作頗擅雕

蟲往往青於藍者

書史會要高典籍畫原於米南宮父子出入商高間

方壺子畫妙貞初識先生稱賞者略無虛日

名家在翰林二十年四方求詩畫者略無虛日

閩書林眞士長樂人工山水與高棟友善棟題眞士

畫云楚天雲外數峯青春水桃花滿洞庭落日樓臺

明鏡裏欲停瑤瑟候湘靈

列朝詩集漫士流傳篇詠母慮千餘篇選唐詩品彙

九十卷拾遺十卷議者服其精博書得漢隸筆法畫

出米南宮父子時稱三絕門人林誌志其墓曰詩至

唐爲極盛宋失之理趣元滯於學識而不知由悟以

入自襄城楊士宏始編唐音正始遺響然知之者尙

鮮聞三山林騰部鴻獨倡鳴唐詩其徒黃元周元繼

一觀

謂悉矣推闡之詩源稱三唐而祇宋元若西江之宗

登

似而不知由悟以人也神秀呈黃梅謂依此修行免

墮惡道昔人亦謂日撫蘭亭一紙終不成書自閩詩  
一派盛行永天之際六十餘載柔音漫節卑靡成風  
風雅道衰誰職其咎自時厥後弘正之衣冠老杜嘉  
隆之嘖笑盛唐傳變滋多受病則一反本表微不能  
不深望於後之君子矣漫土所謂嘯臺錄錡自賞  
擬唐之作音節可觀神理未足時出後語錡自賞  
大天集應酬冗長塵空堆積漫士既以詩遇出山之  
後遂無片什可傳所謂不復能歌渭城者乎  
香祖筆記宋元論唐詩不甚分初盛中晚故三體鼓  
吹等集率詳中晚而略初盛覽之憤憤楊仲宏唐音  
始稍區別有正音而餘響然猶未暢其說間有舛謬  
迨高廷禮品彙出而所謂正始正古詩以李太白為  
接武正變餘響皆井然矣獨七言古詩以李太白為  
正宗杜子美為大家王摩詰高達夫李東川為名家  
則非是三家者皆確為正宗李杜均之為大家岑嘉  
州而下為名家則確然不可易矣  
朱琰明人詩抄正集漫士詩俞汝言謂歌行尤勝殊  
不然其最佳者五言短古高處直逼韋柳  
田按漫士選唐詩自是雅裁明時如楊升菴謝在杭  
已有異議要是小疵不害其為佳選也詩斷自唐以  
上前後七子亦隱宗之其所異者七子探源漢魏十  
子株守唐一代耳

明詩紀事卷十

將歸龍門留別冶城諸遊好

海水與別意相看更誰深長風向東來吹我東歸心悵然舊  
山雲蒼茫蓬洲樹一雁飛晴空翩翩又東去此別非萬里後  
遊當幾時銜杯不盡歡握手翻成悲我去聽寒泉君留釣臺  
月唯有長相思因之寄天末

遊龍峯西巖得傍字

巖下春已深客心自茲曠玩奇不知遙青山鬱相向溪聲送  
行客空翠引寒杖洞門倚天開苔磴緣雲上松際真境豁石  
林爭異狀稍知仙趣深孰謂此身妄東厓極眺聽晚色分遠  
望雙境落澄湖孤帆入溟漲瀟然微來爽氣橫疊嶂笑揮  
青霞杯醉和白雲倡茲賞吾道存良遊保閒放願割區中緣

煙霞許相傍  
對巖理鐘磬  
人少  
上青山  
樵客  
松風  
醉歸  
卷  
番出郭晦之歸展峯羣公相送至光嚴寺分得客字

化城負東郭地古巖公宅同佩結幽尋况值將歸客山門坐  
翠微蘿逕入松柏定水駐行衣香雲繞離席銜杯雙樹間百  
里見海色日暮各分飛空山夜寥寂

同遊六平山探得燭字

出郭秋已深寒原騁心目愛君幽棲地市廛若林谷初月誥  
晚尋同人遂成宿樓虛在山翠書聲向橋木飛雨一峯來微  
雲度疏竹清鐙對殘尊孤琴寫幽曲自得靜者心何須遊秉  
燭中望入游

明詩紀事卷十

七

瀛洲見海色潮來如風雨初日照寒濤春聲在孤嶼飛帆落  
鏡中望入桃花去

衡江夕露

大江白露下秋氣橫滄浪夜色不映水微風忽吹裳孤舟待  
明月時聞蘭杜香

林伯明阜林高隱

小隱溪壑古松風引涼陰片雲對虛牖曉日明疎林百里見  
海色孤光霽人心悠悠塵外意寄韻邱中琴

得鄭二宣海南手札

番禺天外古交州念子南行戀舊遊故國又經花落後遠書  
翻寄雁來秋梅邊野飯逢人少海上青山對客愁爲報羅浮

雲影道早隨明月引歸舟

夏谷雲泉

雲影蕩山翠泉聲亂溪湍長林無六月蘿薜生秋寒

秋山釣瀨

萬壑收夕霏一溪湛秋影涼風吹釣絲嫋嫋空波冷

陳亮二首

陳亮字景明長樂人明初累徵不起有儲玉齋集

黃日記全閩詩雋景明故元儒生洪武永樂間累徵遺逸或推轂景明曰吾投迹明時遊巖泉石間

吾志慊矣竟不出作讀陳搏傳詩以見志山中為小樓號曰儲玉購四方名書藏之又作草屋滄洲中與

名士王恭高稂日相過從以詩酒為樂時往三山中為九老社以此終

昔龜峯

明詩紀事卷十

六

疇昔過茲鄉駐馬望龜石蹉跎兩鬢華始作登臨客浮雲散  
輕陰霽日見海色向來多豪傑聲譽何藉藉良辰作佳遊此  
地幾登厯我來一感慨俯視今非昔落日松風生遲回景已  
夕

晚春閒思

門巷客來稀閒居靜掩扉微風花自落細雨燕雙飛向曉披  
遺帙迎暄換袷衣年年此時節惆悵送春歸

鄭定二首

定字孟宣閩縣人陳友定辟為記室友定敗浮海亡

交廣間尋還居長樂洪武中徵為延平訓導厯齊府

紀善終國子助教有澹齋集

高郵女兒歌

高郵湖水清且幽高郵女兒能盪舟十八梳粧好高髻二十  
嫁夫長遠遊青菱鏡破寶釵折翡翠衾寒疊香雪芳草王孫  
去不歸噓蛄嘒斷秦樓月樓前楊柳飛絮多門外蛛絲成網  
羅高郵湖水增夕波高郵女兒將奈何

再往三山

去歲才從上海還今年又復戴南冠榕陰巷陌春風老荔子  
樓臺宿雨乾幾處舊遊重載酒十年往事一憑欄回頭卻羨  
天台道有客吹簫跨玉鸞

王褒二首

褒字中美閩縣人洪武癸酉舉人歷瑞州長沙教官

明詩紀事卷十

九

遷永豐知縣永樂中與修大典擢漢府紀善有養靜

集

列朝詩集中美與孟揚安中齊名其詩殊乏才情不堪鼎足或其佳者不傳耳

湖南田舍

藹藹湖上山迢迢湖上路田家南湖濱三五亦成聚朝耕湖  
上田暮喚湖上渡老稚遠相迎牛背挂農具今年喜有秋不  
爲租稅慮牀頭釀茅柴取醉羅粟芋相看桑麻長且樂成嫁

娶

送僧還莆田

都門相送處無奈柳條長  
呪引天花落經翻貝葉香  
浮杯吳水綠飛錫海天蒼  
後夜涵江月應期到上方



唐泰二首

泰字亨仲閩縣人洪武甲戌進士授行人終陝西副

使有善鳴集

次陳山人隱處

獻春始休沐輕策尋幽風煙篠不知路柴扉隱其中雜花覆  
小欄下映流泉紅冥心聽喧鳥解帶投芳叢誰識此嘉遯心  
期黃綺同南軒有餘興月出鳴絲桐

寄林欽

千里一為別思君遠更親雲霄心自遠江海業長貧古道迷  
黃葉寒汀覆白蘋秋風如有待歸計欲垂綸

周玄三首

明詩紀事卷十

十

玄字微之閩縣人永樂中以文學徵為禮部員外郎

有宜秋集

田按周微之黃玄之皆子羽詩弟子微之差優嘗挾  
書數千卷止長樂高棟家讀十年卒業辭去盡棄其  
書曰舉在吾腹笥矣所著揭天謠甚有時名竹垞謂  
二玄詩句續字湊良然余擇其篇幅貫串者錄之

道山清冷臺

松門媚煙景探玩輟輕策林谷諧宿懽川雲返初跡鳴絃希  
叔夜躡屐企安石餘花映樽俎落日散巾烏笑語澹忘歸重  
期諒超隔山人

揭天謠

魚鱗居次龍堂高琉璃砌空銀爛濤波靈泣訴海若恨腥風  
卷晝雲漕漕珠潭沈光瘞神姬瘦蛟啾啾走沙雨仙郎秋袂

斑斑嘯淚花凝碧扶桑樹

送曾譯使歸山中

鄰霄臺下罷登臨一曲離歌淚滿襟芳草懷人頻積夢流年  
遠別又驚心春城雁去餘寒盡野戍花飛暮雨深今日遠尋  
陶令尹青山卧病謝朝簪

黃玄 二首

玄字玄之侯官人官泉州訓導

馬頭江

暝色入長江江帆疾如鳥遙遙白雲外一望更何有長江滄  
浪曲遠映滄浪叟何處有僧廬殘鐘到溪口

送金秀才之溫陵

明詩紀事卷十

三

官亭花發酒初香白馬翩翩大道傍醉客盡隨歌舞散寒山  
空對別離長紫雲洞裏逢秋月赤鯉潭邊度早霜休說故山  
多少恨軍中吹角斷人腸

甲籤

劉崧 二十三首

崧初名楚字子高泰和人元末舉於鄉洪武初以經  
 明行修舉授兵部郎中遷北平按察司副使坐事輸  
 作京師尋放歸徵拜禮部侍郎署吏部尚書致仕歸  
 復徵爲國子司業有槎翁詩選十二卷補遺四卷文  
 集十八卷

王士禎古詩選有明一代作者衆多七言長句在明  
 初則高季迪張志道劉子高爲最後則李賓之至何  
 李學杜厥諸家之坦迪獨于沈懋頓陸揆處用意雖一  
 變前人號稱復古而同源異派實皆以杜氏爲崑崙

明詩紀事卷十一

一

墟  
 田按子高詩有鍾陵五雲鄧溪雙溪鳳山瑤峯墨池  
 東門珠林龍灣北巖龍門戊巳十有三集合爲槎翁  
 詩選其自序云年十六得臨川虞翰林清江范太史  
 詩誦之晝夜不廢益求漢魏而下盛唐以來號爲大  
 家者究其意之所在知成樂必本於庶民鈞故未嘗執  
 一器以求入音之備調膳必由于庶味故未嘗設一  
 品以求入珍之全其不能自己於言者譬如幽鳥之  
 鳴春秋虫之號寒可謂究極此事之甘苦宋潛虛劉  
 仲修烏春草作集序甚致推崇王弼州胡元瑞錢牧  
 齋朱竹垞亦有論定余獨賞漁洋七言爲最一語故  
 此選七言採掇爲多云

陪陶尚書宋太史夜宿齋宮分韻得萬字

六友陳

鳴鸞莅陽郊陪祀服明憲旗常擁圓壘幕轡蔽脩甸天高風

泠泠露白星婉婉尊疊秩斯舉簋業樅以建凝神向澄肅秉

德方恪愿調笙思肄三振羽騰舞萬張筵盛布設陳幣昭奠

獻聽漏促晨興嚴衣戒宵偃駿奔尙齊遯慎簡慚碩曼感孚

豈殊徵恭事式同勸

田按宋景濂郊禋慶成詩序云洪武壬子冬十一月辛酉上出宿齋宮有司戒見及期行事百辟卿工後先駿奔既竣事禮部尚書陶凱工部尚書黃肅工部侍郎牛諫晉府參軍熊鼎磨勘司令吳雲兵部郎中劉崧工部主事周子諫祕書監丞陶誼晉府錄事張孟兼吳府錄事吳從善咸謂升中于天國之大典幸際熙明與於執豆籩之列月榜九霄多爲韻各賦昭示萬世遂以星臨萬戶動月榜九霄多爲韻各賦昭一章諸人詩多不傳惟序云洪武五年五月十一日戊午夏至皇帝將有事於北郊進詣齋宮以居有旨命召兵部尚書吳琳禮部主事朱濂齊工部文黃之士與俱來於是尚書禮部臣陶凱起居注臣劉季道蔣林應奉臣張籌侍儀使臣俞潛起居注臣孟兼禮部主事子杰給事中臣宋善禎部主事臣張孟兼禮部主事臣孫某國子學正臣夏閱學錄臣蕭執職方郎中臣劉崧咸趨出齊廬因命賦殿下柳榆并荷露詩一首臣琳等覃思濡翰以次呈獻上親覽誦之品第有差既而復命中貴人傳旨令賦詩者咸往殿後觀梔子花俾人各賦詩既成序進如初明史蕭執傳亦紀此

明詩紀事卷十一

二

採野菜

採野菜行且顧野田雨深泥沒路稚男小女挈筐籠清晨各向田中去茫茫四野煙火絕去年秋旱今年雪草根凍死無寸青却攬枯荑淚流血水邊蒲苳未作芽甘齋出泥先放花長條大葉瘦且老得似家園松韭好枯腸暫滿終易饑酸苦整人還自知採野菜行且哭貧家食菜苦不足塞軍掠人還食肉

告天鳥

江南有小鳥羣飛上天入天杪黃茆嶺頭拾虫蟻聲聲告天鳴不了山前山後春雨晴啾啾千聲連萬聲鬱然飛出不可

見失勢一落猶哀鳴鳳凰南飛顧之笑何不遠引爲娛嬉謂爾軀體陋羽毛無鮮奇徑寸之茆可以營爾栖一粒之粟可以充爾饑胡爲躑躅苦抱憤奮首上訐鳴聲悲勸爾勿多言多言生間危吻弊吮絕徒爾爲天門九重深不知

### 後掘塚歌

峴岡西北龕村路近郭家家葬墳墓富家盡栽松柏林葬時裝歛帛與金百年太平人事好時時子孫來拜掃祭餘列宴晝亭深細馬香車入青草墓門碑石高崢嶸界水連山誰敢爭枯枝墮地無人拾牧豎驅牛下山行亂兵西來人散走青野荒荒絕雞狗邱墳已見遭掘伐棺槨還聞被椎剖錦衾繡袂顏色新玉珥金環光照人前年幽鬼窖中物去作誰家富

### 明詩紀事卷十一

三

貴春

### 養牛歎

田家養牛如養子愛惜皮毛少鞭箠一冬霜雪無青草還餒鹽羹齏糠粃全家性命繫一牛牛肥卽喜瘦卽愁木闌土屋護乾煖出入更防人夜偷亂來買牛如買馬典盡春衣酬買價寸田尺土未得耕軍來牽牛誰敢爭攔街號哭送牛去青草空餘舊眠處君看新來山寨軍前日亦是耕鋤人卽今打糧不耕土身著牛皮食牛脯

### 題龔本立所藏燕文貴雲岫圖歌

豫章龔郎好文雅錦軸牙籤滿書架示我春雲出岫圖云是燕公之所畫高堂慘淡開林邱青峰赤谷爛不收長風浩浩

起天末萬壑青雲如水流松根石頭伏羊虎松頂垂蘿綠如  
雨伊誰濯足望青天絕似東歸孔巢父匡廬巫峽相渺綿三  
湘七澤俱可憐冥鴻蕭條洲渚斷風帆杳杳歸何年吁嗟燕  
公真絕筆好手當時稱第一殘縑猶帶汴京愁墨色蒼茫映  
寒日城樓六月煙塵黃我亦看雲懷故鄉思君如憶圖中景  
應過水西尋姚岡

題邊長文爲黃子邕畫雪舫齋圖

蕭峰隱者黃子邕綠眉秀頰雙青腫雪中曾踏溪南石坐聽  
簫聲雲霧中懸岬路轉愁獨往結屋溪邊小於舫絕似山陰  
王子猷夜半乘流入虛朗朝歌綠水憐芳春暮歌黃竹哀時  
人長風遠從海上起劃見六合無纖塵新城往年兵革起林  
杪高軒化荆杞東湖湖上遇邊郎爲寫幽居雪山裏千岬凍  
合凝夕光江鳥不飛沙岸長別浦維舟初罷釣深簷卷幙更  
傳觴簫峰遠在青天外玉樹蕭森澹相對疑有飛軒駕白虬  
飄搖下與羣仙會仙人一去不可呼此境欲往愁荒蕪炎埃  
六月何由濯日倚湖陰看畫圖

明詩紀事卷十一

四

題堵郎中畫湘漢秋色圖

兵曹簿領困填委忽見雲山落塵几問君何意貌此圖湘漢  
瀟瀟秋色裏長峯巨壑相參差彷彿江行曾見之雲中樹色  
三百里峽裏猿聲十二時古人今人不相見江水依然淨如  
練魚鳧窈窕接山川雲雨荒荒出臺殿岬迴路轉楓林青丹  
岬紺壁秋冥冥山童出掃澗上葉客意已到松間亭登高望

眼心獨苦江濶霜清雁如雨九天飛瀑下香爐萬里歸帆到  
鸚鵡我從前年來帝京偶離疏屬峨眉冠纓故園耕釣歸未得  
對此佳致空含情茅堂遠在珠林下安得從君問圖寫九衢  
塵動五更風又趁雞鳴逐朝馬

寄贈萬德躬時在清江

文章名世自有神詩家之秀今何人豫章特達邁先輩一出  
已絕江西塵乾坤悠悠入清曠歎息斯人欲誰向清秋鷹隼  
破斗絕白日驍騶動悲壯時携寶玦青珊瑚看花調笑當爐  
姝結交老蒼五六輩議論已遍東西都功名不來心獨苦卻  
望美人思遙浦月中吹笛上丹邱煙際飛帆拂天姥浩然弔  
古登高臺誰能酌子黃金壘石橋聽雨青楓合海門望日丹

明詩紀事卷十一

五

霞開縣中許令高閑者聞子悲歌在林野白躡三履行相迎  
手攀碧蘿卻鞍馬秋風九月吹吳關忽復鼓棹從東還匡廬  
雲錦九千仞片片飛落新詩問獨携稚子憐遠別草堂臨流  
故幽絕少年吐氣成紫霓攬髮何堪半如雪卻從帥幟坐談  
兵直以精采空觀鯨櫓船東下海波淨劍光夜出清江城由  
來壯志在短褐空谷亭亭老相栝亦知楊子奈長貧豈識相  
如故多達長安冠蓋日紛紛有詔徵賢安得聞白沙翠竹自  
江島隔水卧看西山雲我自來西山城中迹如埽誰家楊柳  
鳴黃鸝忽見秋霜落圍棗雙溪之水東北流上有繡谷青綢  
繆長松遙挂海底月眼明照見樽中愁愁心復幾何舒卷風  
中霧落日斷雲氣令人思元度人生富貴須何時莫謾窮愁

傷汨之君行可逐白鷗，伴亦棹酒船遊會稽。

寄答夏仲寅

宜春才子清時望，精神峭緊才疏放。野服不遊城市間，扁舟  
祇在江湖上。往年訪我珠林灣，草屋榛溪相往還。是時八月  
十五夜，明月東上仙槎山。君船政繫灣頭柳，玉瓶雙倒金陵  
酒。滿洲風露聽歌呼，水面寒光碎星斗。別來鴻燕邈相殊，宋  
郎忽寄雲中書。碧箋麗句細作字，秋水掩冉生芙蓉。東南轉  
戰幾千里，白雲在山招不起。使者空尋顏闔廬，神仙還入東  
吳市。今年五月勞遠尋，快閣磯頭江水深。手持輕箑忽贈我，  
使我披拂清煩襟。如何相逢卽相別，回首音塵忽超越。松桂  
早已見清真，雲月何由比高潔。知君慣作汗漫遊，揚帆鼓柁  
春江流。重湖煙雨葭莢綠，我亦飄颻隨白鷗。

明詩紀事卷十一

六

題張京尹所獻嘉瓜圖歌

南京五年夏六月，京尹獻瓜狀殊絕。駢跖雙承雕玉槃，連苞  
並進黃金闕。尹言產自句容縣，野老田夫駭初見。一葉連蜷  
引渾淪，兩壺磊砢連葱蒨。是日君王御武樓，徵問吏牒趨公  
侯。星聯翠影落丹辰，日射神光浮冕旒。敕令捧至乾清殿，未  
擬先嘗須廟荐。詞臣上頌美，真奇畫史圖形著。蕃衍盛哉聖  
恩浩，如天民勤物阜宜豐年。小臣作詩紀嘉應，願繼大雅歌。

綿綿

田按洪武五年六月，應天府句容縣民張觀家園產  
嘉瓜，雙實同蒂，圓如合璧。京尹張遇林函以素匭圖  
其形於上，移文禮部請以奏聞。尙書陶凱等奉瓜以  
獻帝，陶武樓觀之，丞相汪廣洋等奏漢元和中嘉瓜。



生於郡國唐卅州亦獻嘉瓜天錫珍符實見于茲帝  
謙讓弗居命寘乾清宮翌日薦於大廟特製嘉瓜贊  
以紀之宋景濂亦有頌云句容之墟物無疵癘神瓜  
挺出殊實同蒂瓜孰非單比合而生二氣毓質雙星  
降精密房均甘圭冰競爽明月重輪彷彿堪象此詩  
所謂詞臣上頌當卽指景濂也

### 寄萬德躬

日暮山風吹女蘿故人舟楫定如何  
呂仙祠下寒砧急帝子閣前秋水多  
閩海風塵鳴戍鼓江湖煙雨暗漁蓑  
何時醉把黃花酒聽爾南征長短歌

### 秋林圖題贈曠伯達

迴風蕭蕭吹北林行雲冉冉生  
夕陰天寒雁去洲渚靜秋雨龍吟  
波浪深飄泊共憐今日興畫圖因見古  
人心幾時螺子青楓下深結茅堂更遠尋

### 明詩紀事卷十一

七

贈黃近賢自宜春過青原上贛州訪周錄事二首

錄一

卽遣北風吹上灘且含飛雪壓回瀾  
沙頭走馬醒午醉石裏買魚供晚餐  
傳籤亭長迎水鷁擊槳巴童歌木蘭  
故人青眼望吾子晏歲莫辭行路難

### 題山水畫

山岡盤盤多樹林江水湛湛愁人心  
赤雲樓觀落日外白石溪澗長松陰  
嗚猿虛疑近翠壁飛鳥劃恐迴高岑  
野亭春色苦無賴忽憶故人思遠尋

### 感愧寄李子翀鄧子益

將軍屯戍落秋風客子離思逐暮鴻  
書劍遠投煙瘴外鼓笳淒斷月明中  
野猿引子溪藤綠山麝眠香石竹紅  
涼氣蕭森

盤兩峽直愁華露隕高楓

過永和同子永劉憲史遊青都觀謁蘇黃二先生祠

金華仙人玉局翁青都臺觀五雲東十年喪亂殘碑在前代  
風流二老同海藏出雲龍啟塾松壇過雨鶴盤空傷心落日  
滄江上萬疊青峰照蕊宮

水口田家

水口山腰三四家楓林茅屋帶蒼葭野人敲火夜然竹溪女  
踏雲朝浣紗水落寒潭魚可捕草肥秋隴兔堪罾有時刀架  
還登砦雞犬蕭蕭隔暮霞

花朝和王伯衢寄示

到處有花不待招常年客裏記今朝高林秀野舍丹露煖日  
明詩紀事卷十一

八

晴雲動碧寥樂事已嗟隨逝水兵塵猶恐逐驚飈祇今誰醉  
蕪湖酒腸斷東風十五橋

觸事

眼見林櫻墜赤珠愁隨庭草積甃餽茶煙出戶自明梅花雨  
拂簷時有無把筆祇應酬嘯咏杜門久已厭奔趨禱禩一點  
林梢雪悵悵幽禽不可呼

題贈樸閣醫士

樸閣道人神宇清手携綠玉上南京市中壺公自不老海上  
安期知有名當欄種藥花露濕篝火斲苓松雨晴鄱陽山水  
亦故里何日放船歌濯纓

海子橋午憩

海子橋西是泮宮尋幽偶此憩青驄一春時少催花雨二月  
偏多擺柳風瓊島晴薰煙嫩合金河凍釋水雲空沙邊小艇  
無人繫愁絕滄浪舊釣翁

題生色海棠

生色海棠誰畫得清溪著色最清真柔條破玉枝枝潤細藥  
垂絲朵朵勻神女行雲巫峽曉仙娥泣露錦江春金盤華屋  
母煩薦日射銀屏正惱人

許伯旅

九首

伯旅字廷慎黃巖人洪武中官刑科給事中有介石

稿

詩談許廷慎若天台雁岩雄踞東南小杜之稱豈容  
多讓

明詩紀事卷十一

九

田按廷慎詩格調高老介石稿已不傳朱竹垞云未  
城續志所載寥寥數篇余極力搜訪如明風雅黃巖  
詩集差較完備

悠然閣爲盤所賦

屏迹卧空谷蕭然謝喧虺晨興坐飛閣若見南山來雙鳥何  
翩翩孤雲共徘徊勝景自茲得塵心日悠哉有客方外歸時  
來展幽懷觴詠或終日了無形迹猜地迴機已息語忘中自  
諧願言蔣生徑卒歲從君開

題餘姚張氏翠竹軒

四明之西天姥東青山崛起摩高穹若翁種竹住其下已覺  
地與桃源通手招仙客碧雲裏石室陰陰落花紫秋風夜半  
天上來洵若滄溟六鼇起憶昨紅塵暗江海金谷平泉一時

改冰枯雪死斤斧餘不意此君今尚在拂石彈琴坐碧溪懸  
崖颯沓吹雲霓壑龍春翻后土裂皓鶴夜舞青天低百年行  
役悲陟岵軒中故物誰爲主葛陂變化元有神白髮淮南夢  
煙雨我家有竹千箇竿老屋蕭瑟常風寒痕迹天涯未歸去  
作詩愧我青琅玕

題林藥所家藏子昂枯木竹石圖

魏公之畫今罕得君家此圖纔數尺酒闌客散試一觀坐覺  
蒼煙動虛壁春雷劈樹江雨黑奔濤濤籟鳴相激乘槎仙去  
珮聲寒夜深卻抱支機石想當意到揮灑時衆史見之應辟  
易精靈慘淡出肺肝殘墨淒涼靚顏色買舟昔日過吳興載  
酒會上鷗波亭當時池館意蕭瑟但見水竹含空青百年興

明詩紀事卷十一

十

廢未易明草堂昨夜風雨驚山靈怪我且歸去醉卧白石聽  
秋聲

題趙搗謙六書

六書變滅同雲霞後有作者誰專家考亭先師昔志此老弗  
及爲猶嘆嗟君生遠在考亭後執筆無從道何授力窺篆隸  
著明言百世重是清門胄陰陽垂象日月懸宮徵迭奏聲相  
宣神融理得非偶爾旁暢曲通因自然荒墳斷簡科斗蠹猛  
雷破石天書露昔人辨鑿極微茫非君孰得知其故文章與  
世相推移道在勿憂知者稀休風一散久當復我已識子窮  
幾微時時灑翰寫胸臆巧匠旁觀慘無色短椽挂壁風雨來  
古劍騰波百靈泣往代楊雄空好奇閉屋草元頭盡絲至理

無聞世無補更千萬語今何爲趙君趙君當自惜持此自可  
垂金石聖賢墜學久寥寥上帝母令六丁得

題林盤所學民家藏溫日觀葡萄

張顛草書天下雄醉筆往往驚羣公溫師作畫亦若是我知  
畫與書法通葡萄何來自西極枝蔓連雲引千尺世間畫者  
誰最高溫師自有葡萄癖當時豪貴爭邀迎掉頭趨走呼不  
應酒酣耳熱清興發揮灑始覺通神靈東家雪練西家帛布  
地待師師不惜芒鞋踏墨雲海翻滿把驪珠輕一擲百年畫  
意誰見之破幅蕭條今尙遺心垢都除入清淨不爾妙悟何  
能爲憶我携書客淮右大官都送葡萄酒寒香壓露春甕浮  
風味江南未曾有林君對此心怱怱謂余亦種葡萄苗何當  
釀酒三千斛愁來一飲三百瓢

明詩紀事卷十一

十一

題畫

歛迹卧空谷居然謝囂喧間庭落葉滿始覺風露繁夕照墮  
木末秋陰入雲根心清趣自得何必棲桃源

松山道中貽林左氏

簪組非吾好邱園乃素心孰知西郭路重爲故人尋水落江  
逾壯天寒日易沈飄零慚夕鳥栖息每同林

題扇面小景爲王微沖賦

日腳下林坳秋光入戶庭斷雲歸絕壁飛鳥墜空青松籟風  
中得漁歌石上聽扁舟如可問吾亦泛滄溟

奉西野王先生

遠遊無復賦離騷  
歲暮猶思范叔袍  
歸去釣竿秋水隔  
坐來庭樹月華高  
魚龍矯矯矜鱗甲  
鴻雁冥冥惜羽毛  
迴首寒江易蕭瑟  
放歌時覺寸心勞

曹睿二首

睿字新民永嘉人占籍華亭元季爲郡學訓導明初

遷松江教授有獨興集

田按新民至正辛丑倡爲景德詩會會者十四人前此庚子穆同知思恭有南湖詩會亦十四人僧克新總編爲至正庚辛倡和集周伯琦爲之序會者若高太常巽志徐教授一夔鮑徵士恂牛尙書諒周山長柴張學訓暹皆一時耆宿也

景德寺詩會

清晨出城郭悠然振塵纓  
仰觀天宇淨俯矚川原平  
竹樹自

明詩紀事卷十一

三

蕭灑禽鳥相和鳴  
龍淵古招提飛蓋集羣英  
唱酬出金石提携雜口畧  
丈夫貴曠達細故奚足撓  
道義山嶽重軒冕鴻毛輕  
素心苟不渝亦足安吾生

徐一夔至正辛丑倡和集跋至正辛丑秋七月十有三日永嘉曹睿以休假出郊憩景德寺諸公携酒相慰藉環坐以唐人因過竹院逢僧話又得浮生半日閒之句分韻賦詩雲海師因哀集成帙以志一時之良會云

西湖竹枝辭

昨夜西湖月色多  
照見郎君金巨羅  
明朝江頭放船去  
江亭風雨奈君何

邱民一首

民字克莊揚州人徙居嘉興去險竿瘴水湖坐來

景德寺詩會得僧字

上方鬱嵯峨遙睇青雲層餘罪不成靄朝陽射觚稜雙湖鏡  
光澈涼颿滌煩蒸輕裳欲飄颻短髮仍鬢髻縱觀極夷曠頗  
覺秋氣澄載瞻雷音堂招搖肅高僧英英竹鳴雲耿耿蘿龕  
燈艷餽天花滿爐香夕煙凝散坐百慮息幽懷詎能勝澗泉  
煮芹葵山盤羅芡菱伊子夙口口歌遊厠賓朋世事良可歎  
有酒當如澗

韓守益一首

守益字仲修石首人明初以儒士攝教宜都擢廣西

按察僉事入為御史改春坊中允有樗壽豪

楚天樗語樗壽集中文丞相祠詩云黑光盪日陳橋變青氣移星海島悲語何等沈痛

明詩紀事卷十一

三

過采石磯懷李白

製作隆中古寥寥大雅音文章關有道天地豈無心白也才  
何逸時哉陸易沈蛾眉亭外月還照大江濱

吳琳一首

琳字朝錫黃岡人太祖下武昌以薦召為國子助教

吳元年除浙江按察僉事入為起居注洪武四年遷

太常卿進兵部尚書六年改吏部尚書

田按朝錫官起居注時遊上苑賜宴奉天門帝命賦詩以述今日之樂官尚書時陪侍方邱帝命朝錫及宋景濂率六部文學之士賦柳榆荷露詩可謂榮幸惜集不傳僅見寥寥數詩而已

煙波亭

漢水連天澗江雲護曉寒青山數點最好倚闌看

趙儼一首

儼字本初山陰人元進士洪武初徵爲國子博士加翰林待制致仕

田按本初官博士四年諸生多成就者如翰林待制致仕蓋本初將致仕時加待制以榮之詩綜直云官翰林待制誤矣本初之歸也京朝士大夫作詩贈其行宋景濂有序紀之史稱本初子圭玉兵部侍郎出知萊州有聲劉子高寄圭玉詩云海神廟下波濤壯萊子城邊草木稀作郡新聲隨日起趨朝舊夢逐雲飛紀其事也

聽雨樓卷

幽人愛樓居燕坐風雨夕高檣瀉飛湍空除墮殘滴傾耳疑  
枕流屏喧時岸憤江聲暝蕭蕭樹葉寒淅淅境絕迹更佳  
澹情自適霽曉恰憑闌春深杏花赤

明詩紀事卷十一

古

幽人愛樓居燕坐風雨夕高檣瀉飛湍空除墮殘滴傾耳疑  
枕流屏喧時岸憤江聲暝蕭蕭樹葉寒淅淅境絕迹更佳  
澹情自適霽曉恰憑闌春深杏花赤

傅林音論姪出

幼字本初山陰人元進士洪武初徵爲國子博士加

鐵對一首



明詩紀事卷十二

貴陽陳田輯

**田籤**

吳伯宗一首

伯宗名祐以字行金谿人洪武辛亥開科廷對擢進

士第一授禮部員外郎與修日歷以事謫居鳳陽尋

召還奉使安南歸除國子助教改翰林典籍除太常

寺丞辭改國子司業又辭貶金縣教諭召還為翰林

檢討進武英殿大學士降檢討有南宮使交成均玉

堂集二十四卷

田按辛亥為明興首科伯宗以剛直顯可謂得人是科讀卷者為國子祭酒魏觀大常博士孫吾與給事

**明詩紀事卷十二**

中李顏修撰王傑觀早朝奉天殿詩云多士聽宣魚貫入諸侯分直雁行聯紀其事也先是有詔高麗安

南占城等國如有經明行修之士各就本國鄉試許貢赴京師會試高麗金濤中三甲授東昌安邱縣丞

以不通華言請還本國詔給道里費送歸

題秋江回驛圖

大江瀉奔流浩蕩去不息青岑列兩岸倒影搖空碧樓高野

陰濶錦樹覆沙驛帆落天際雲人歸渡頭夕緬懷滄洲趣萬

里見秋色長嘯倚西風因之豁胸臆五辛交開採玉樓

劉三吾二首

三吾初名崑後名如孫字三吾以字行茶陵人元末

提舉靖江學洪武中以薦授左贊善累遷翰林學士

隆國子博士尋復學士三十年主會試坐罪戍邊永

樂中卒有坦坦齋集二卷

鄧顯鶴沅湘耆舊集坦翁以文學顯諸家紀載有謂其以罪死於洪武時者今按詩集中得告致仕過長沙詩結語云八十還家能家所記皆不確亦堪誇其優游故里以老壽終家諸豪要有真氣至其憑弔故墟感時書事諸作悲涼沈鬱不減遺山

田按學士詩有佳句殊少完篇哭伯兄存吾推官云黃甲題名前進士白頭死難古宣州湘中初行云流白石梁迷故宇夕陽煙樹出疏雲與先復元禮過洞庭涉湘江采蘅杜美人遙隔暮雲中次蔡元禮過洞庭云欲向黃陵懷帝子鷓鴣嘯處雨斑斑皆可誦也

姑蘇卽事

姑蘇自王亦豪雄藩屏東南一旦空使眷爲誰歸火辰俘囚何面見江東王封有愧非殊錫死去無碑可表忠粳稻祇今誰阻遏海門元與直沽通

明詩紀事卷十二

二

靜志居詩話學士元之故老其詩雖不中程足肅庚申外史當張士誠在吳海運阻遏元主以御酒漉衣請之不得及蘇州既平學士賦詩云姑蘇自王亦豪雄藩屏東南一旦空粳稻祇今誰阻遏海門元與直沽通又云吳中既失無門戶海道長驅有舳艫蓋着魏元之未亡其云廉藺同心如結好蜀吳異地豈俱七則有感羣雄之失策至心萬年籍來江表一曲琵琶度塞門斯與宋文恪過元故宮詩並其懷切矣

送龍天章歸省玉融

柏台使者開薇省幕下諸賓聚壁奎紅藥詩情灑水上白雲親舍玉融西舊家門巷烏衣在故國江山杜宇嗁若過州城舊廳事爲余重覓昔年題

汪叡一首

叡字仲魯婺源人元末集義旅保鄉邑明師下休甯來附授安慶稅令徵贛川蜀軍事以疾辭歸洪武中

授左春坊左司直

子歸江左澤往四明

倚閭憐母老長路望兒歸六載眼中淚三春身上衣風高聽雁遠天濶見雲飛海嶠連閩越鳥嗥月尚微

朱善一首

善字備萬豐城人洪武初為南昌教授召試授翰林修撰謫遼東教授未至放還鄉召為翰林待詔擢文淵閣大學士請告歸卒正德中諡文恪有一齋集十

卷遼海集五卷

田按備萬者年立朝燕享賜坐殿中與劉三吾汪敏稱三老文章和平慢衍名雖不及潛溪華川之盛在明初亦足名矣

明詩紀事卷十二

三

長短句

翁騎驢兒牽車童子荷擔相追隨風淅淅草淒淒阿兒苦寒翁苦饑翁雖不語心傷悲吁嗟薄命當訴誰遼東雖云樂不如早旋歸

龔敏二首

敏鉛山人元末以明經分教廣信洪武初徵為四輔官以老乞歸復起為國子博士遷司業再遷祭酒有

鵝湖集六卷

田按洪武十三年戶部尚書范敏薦者儒王本杜佑龔敏杜敏趙民望吳源等召至命為四輔官繼為是官者有安然李幹何顯周不久官廢余力搜諸公詩其可見者二敏一吳而已史稱敏為司業與祭酒宋納司業王嘉會共定學規三人年高鬚髮皓白終日危坐堂上肅然余嘗檢訥西隱集勅建大學碑文云

上躬臨學學官率諸生進拜堂下博士臣龔敦執經是敦又嘗為博士矣鵝湖集中佳句如眼前此景不易得客裏好懷先自開雨昏湖口生春水天入江東有暮雲夢熟池塘春晚後酒醒窗戶月來時殊自軒爽

瑞洪夜泊中風浪甚西風驟發巖巖大風大梁益圍

三月江南雨滿湖魚吹花浪鳥相呼疏燈照水夜明滅遠樹入山雲有無水國田燒人薙草酒船風靜客携蒲柳陰不見垂綸者卻道煙波是畏途

雜咏

越王臺上鷓鴣嘯七國岡頭滑滑泥欲識故人無限意晚煙

疏雨畫橋西

杜敦 三首

明詩紀事卷十二

四

杜敦致道壺關人元末舉河東鄉試第一除高平教

疏雨畫論遷臺州學正洪武中徵為四輔官以老病歸有拙

越王臺 菴集十卷

田按拙菴集明史藝文志著錄而選家多不之及余從程之珩澹安詩抄錄數首明初山右之以詩鳴者

垂餘 致道其開先矣致道嘗薦宋西隱為祭酒稱為得人常侍宴游聯句賦詩太祖特幸其私第亦可謂儒臣

之榮遇矣 田敦人藝草斷風簪容辭賦不具

玉山峽關

太行盤盤橫厲中原近引河朔遙綴崑崙太原大梁為國雄

藩壺關林慮界於花園鳥道崎仄輪催馬煩怪石羅列熊舉

豹蹲連崖壁立屹如垣墉絕頂中斷是日風門俛臨夜壑仰

逼朝暎一夫獨立萬騎空屯設險甚固王者道存迺告守吏

爰作建閣勒銘巖阿龍以瑤琨匪險在德用戒驛昏

虹梯關

石崖攀天仄磴千迴邱隅塞明俯臨蔽羸鐵壁句連谿訝中  
開觀者駭魄行子心摧互如長虹橫絕天階彼昏者氓肆其  
喧逐爰據巖險以抗震雷卒于天刑亦孔之哀太行之阿大  
河之隈關門弗嚴惟帝念哉北山有石南山有材經之營之  
突焉崔嵬侍臣作銘以詔後來

謝友

客遇中秋感慨生眼空節物坐茅亭長空萬古此明月故友  
幾人如曉星南北連天猶戰伐衣冠何地不飄零呼童旋貰  
西隣酒拚卻今朝醉不醒

明詩紀事卷十二

五

吳源一首

源字性傳莆田人洪武初官興化教諭徵爲四輔官  
以老乞歸復起爲國子司業有文集二十卷抱素軒

稿八卷

突雷風雨旣定星月皎然輾轉不寢有感

不眠知夜永無語覺心清慷慨思時事沈吟見物情賈生愁  
論政趙括易談兵家國憂方大憑誰訪老成

張兌一首

兌慈利人元進士入明官翰林院編修

天門山圖

我家三世居山國寢食嬉遊見山色去年前作京華行萬里

平原載車轍荆山嵯峨鎮南紀華嶽金精照秋水太行綿延  
墜馬首北望居庸雪中峙歸來汎舟淮與江匡廬相接高崆  
峒南過瀟湘望衡嶽九疑蒼梧羅煙幢此生倦遊歷艱險故  
山帆律聊遊行今年直上天門峯始覺從前興猶淺天門洞  
開雲氣通江東我眉皆下風低昂二入若昆季意氣相傾爭  
長雄清猿夜唳霜竹折猛虎晝號山石裂風來往往神聽聞  
日上時時天帚揭煙蘿敷紛薛枝垂細禽飛來如棗肥六月  
仙源溪水漲中有洞府藏蛟螭可憐宜都周內史古冢纍纍  
在山址感時撫景亦愴然周朴短篇焉足擬茲山冠絕平生  
遊安得雲梯登上頭左携赤松右浮邱下視八極塵埃浮楊  
侯此圖誰爲寫天下名山無似者他日功成期早歸相與爲

明詩紀事卷十二

六

鄰住山下天不吝山無得香跡日也早晴琳與爲

王嘉會一首題空對衣冠不題入番重起

嘉會名應隆以字行嘉興人古籍松江以明經徵授

檢討遷司業嘉興人古籍松江以明經徵授

田按嘉會官司業號爲稱職詩不多見

題許士雍紫翠丹房

楊子江頭紫翠峰移家會住白雲中新居今與湖山近擬覓

刀圭訪葛洪

全思誠一首

思誠字希賢上海人元松江學正洪武中徵爲文華

殿大學士以老致仕有砂岡集

次雲林韻寄孫君實

腐筆耕豈謀生與世漢落獨高情綠尊有酒誰共醉素琴  
無絃聊自橫湘簾在鉤月當戶羌笛惱人花滿城幽居不知  
春事盡見客只言詩未成

周湏一首

湏字伯甯上元人明初為大理寺丞累遷至刑部尚

書

會煥江西詩徵周湏鄱陽人與李宗頤劉原善辛敬  
萬石楊伯謙輩稱江西才子  
田按宋景濂序劉子宏鄭大同遊五人負能詩名相與  
敬萬石周湏楊士宏鄭大同遊五人負能詩名相與  
楊摧風雅劉仲修序子高詩亦云豫章萬石大梁辛  
敬襄城楊士宏秣陵周湏鄭大同一以歌詩自雄子高  
與之馳騁上下名聲相埒據此五人中惟萬石為豫  
產其餘皆僑寓於豫章者也列朝詩集明詩綜金陵

明詩紀事卷十二

七

瑣事稱湏為江甯人明史江西詩徵稱湏為鄱陽人  
一據其本籍一據其流寓耳子高與湏交分不淺奇  
詩云交友今誰在東遊最憶君清尊澄夜月綵筆動  
春雲楚甸烽煙合秦淮樹色分相思愁日暮花落正  
紛紛又題薛克恭金陵竹西堂歌云上元周湏吾故  
人別來五見桃花春昨朝卷中誦題句使我感慨懷  
清真湏集不傳所可見者列朝詩集數詩而已

寫江岫春晴圖

汀洲碧草生鳧雁動春聲莫上高臺望能傷送別情

田按尚書善寫山水蘇平仲題周伯甯春晴江岫圖  
云尚書襟懷絕瀟灑揮毫往往凌董馬平生一筆頗  
自珍數尺新圖為君寫吳友雲有題伯甯江山送別  
圖詩劉子高有題伯甯梅籬圖詩又贈會沂畫山水  
詩序云上元周湏伯甯以翰墨名品重當世會生及  
門而受益焉余徧檢紀明一代畫家者無尚書名當  
據此數詩以補其缺

滕毅一首

毅字仲弘鎮江人太祖征吳以儒士見授起居注吳  
元年出爲湖廣按察使洪武初擢吏部尚書改江西  
參政

三閭大夫祠

簾帷褰薄暮迴颺吹白雲下有栖神宇慘淡臨江濱行吟旣  
不返遺響甯再聞綠榮并丹綵婉爾含清芬沐芳正冠佩酌  
水炷夕熏長歌靈谷應春思何紛紛願言卜瓊茅巫咸不可  
羣渚宮望儀羽再拜雲中君

楊訓文一首

訓文字克明潼川人元淮海書院山長明初徵爲起  
居注歷左司郎中太常卿出爲湖州知府改知汀州

明詩紀事卷十二

八

擢禮部尚書改戶部出爲河南參政

宋石

騎鯨仙人海上歸至今草木猶清暉千山落日送樵笛萬里  
長風吹客衣春空蛾眉浮翠黛夜光犀渚沈珠璣神遊故國  
應過此高冢臨流知是非一作滕毅詩

李質二首

質字文彬德慶人元末爲何真府掾洪武初歸附授  
中書斷事改都督府斷事擢刑部侍郎進尚書尋出  
爲浙江參政以老召還京師復起爲靖江王相坐法  
死有樵雲稿

田披文彬身丁元季海水羣飛集兵保障鄉里援攬  
土類名士客嶺南者茶陵劉三吾江右伯顏子中羊



城孫黃建安張智皆往依焉宋景廉所謂薦紳之勝  
流岩穴之處土驩然稱李公也其死也黃有詩挽之  
云相國靈輿闕九江桓桓松柏表佳城風雲已際興  
王運兩露偏傷孝子情一代文章遺竹簡千秋彝鼎  
勒勳名平原賓客今誰在獨瀉椒漿帶淚痕

### 遊西湖與徐都尉分得香字

輕雲閣裏弄春光  
湖水湖山引興長  
苐帶漫縈春浪細  
宮花初試越羅香  
荷杯擎露鮫人泣  
翠葆掀風海樹涼  
好傍綠陰  
雜畫舫  
高歌白紵送清觴

### 過揚州

三十年前記此過  
皆春樓下駐行窩  
十千一斗金盤露  
二八雙環玉樹歌  
自昔瓊花祠后土  
至今荆棘卧銅駝  
江都門外  
王孫草  
怨入東風綠更多

### 明詩紀事卷十二

九

王沂韓宜可

一首

宜可字伯時會稽人  
洪武初薦授山陰教諭  
改楚府錄事擢監察御史  
出爲江西按察僉事  
坐事免復徵  
至京授山西布政使  
謫安南建文時起雲南參政入  
拜左副都御史卒官

田按伯時官山西布政時以事安置安南建文帝卽  
位用檢討陳性善薦起雲南參政列朝詩集明詩綜  
均云謫雲南誤矣

### 題蓬萊深處

聞道蓬萊別有春  
五雲深處隔凡塵  
松迷鶴逕渾無路  
花暗簫聲不見人  
滄海日華翻貝闕  
三山霞氣逐瓊輪  
劉郎自是神仙侶  
何用天台更問津

籌字惟中無錫人舉元浙江省試第一洪武初以薦授翰林應奉改禮部主事出為湖廣參政擢禮部尚書坐事罰輸作起禮部員外郎尋復尚書

田按惟中七古有氣概餘詩多不入格

劍石歌

千將飛空化為石石耶劍耶誰復識陽文蘊秀墨色古陰纒積潤苔花碧卻疑女媧補天時手斷鰲足為立極風霜剝蝕綠龜紋鬼神搗護蒼龍脊東吳南越事已矣何物君家乃有此好奇笑殺白猿公有道終歸赤帝子日出遙瞻殺氣凝雨洗似聞妖血腥煅煉不資爐鞴力胚胎自是陰陽精鳳山見之三太息至寶恐為豪者得翩然作歌頌其德神物揮霍生顏色我能為爾礪鋒鏑發爾幽潛使昭赫出掃妖邪扶正直莫令良善相戕賊慎勿立此空庭側

蘇詩黃肅三首

明詩紀事卷十二

十

肅字子邕建昌新城人元季官禮部主事明初歸附命仍故官擢侍郎降工部郎中復擢侍郎進尚書出為廣西參政坐黨禍死有醉夢稿

田按明初新城稱詩者劉子憲黃子邕二人皆長於古體王忠文序醉夢稿云子邕斥漫衍以為簡屏華縟以為質黜奇詭以為平易華靡以為實殆幾於古可謂知言

長相思

望歡城南頭覽取別時路路上有深井井上有雙樹樹有東



高步視六合河山邈悠悠浮雲西北來慘淡增我憂世乏稷  
高傳皇皇將焉求乾坤妙閭闔元氣浩不收經綸信有待明  
哲奚淹留自非遺世士何能守斯邱

雜詩示宰獻

日暮懷所思涉江采芳澤飄飄蕙花春氣滿南國如何同  
心人言笑千里隔采之不成遺中道寘愉悽淒風忽悲鳴鴉  
鳩聲惻惻恆恐芳意摧榮華不常得

送王潤之官陝西

遠宦入秦關鷄鳴肅征袂咸陽秋莽蒼古水咽清渭登臨盼  
形勝立馬慨興廢落日照終南行人在空翠淒涼鄉國念慘  
淡遊子意孰和莊舄吟遐思渺天外翳余契金石惜別勞夢

明詩紀事卷十二

七

寐何所更持情臨分乏瓊珮

送李端甫歸覃懷

典教出中州趨庭憶河縣長波瀉天塹掛席過淮甸游雲澹  
飛雨碧樹鬱蔥蒨豈不煩爾思臨衢極深盼繁華貴知止道  
養沐殊眷日暮念遊方升堂慰情戀論交我無晚結分誠婉  
變帳望王屋雲懷人夢中見

鍾山曉晴圖爲尙書生陳宗進賦

靈崖多幽姿朝日射翠微丹黃冒其頂絳氣蔚以彌瓌璨梵  
王宮朱萼儼崔嵬雲光發天藻綴戶分陸離遐瞰極鴻濛元  
和圃天倪瓊英灼三秀玉樹交春萸我願酌石髓駕言候安  
期天門正鳴鳳萃萃梧桐葉

涿州

抱介恥佞媚離光滋慷慨叩闈道無由惻惻辭帝鄉寒冬百  
卉腓驅馬踐嚴霜晨過涿鹿城驚颿恍沙場息徒用稅駕退  
眺臨空荒羣山從西來千里橫青蒼倚劍事悲咤令人憶軒  
皇蚩尤今則無戰伐何茫茫落日笳鼓發連營旌旆揚吾行  
竟何之流止嗟殊方

眞定城

客行抵燕南獨夜車軋軋斜月耿流光繁星動天末透迤出  
深壁彷彿見城關擊柝接耳聞哀笳向晨發維時重圍解二  
鎮兵禍結吞噬徇乃私邊隅忍流血防虞此何謂國恥殊未  
雪感此竟惘然悲歌激林樾

明詩紀事卷十二

三

書滹沱河

夙駕違鎮都客行有前期蓬飛歲將晏恨恨臨高岐長河動  
我前夾岸流水漸需次向晨渡馬鳴遊子悲天寒野無人世  
梗道路疑豈無故鄉懷辛苦曷得辭貧賤本吾分險艱庸自  
持嗟哉雲臺勳千載今得知

磁州市

高原黯平蕪霜重日色死客懷增悲辛行邁日靡靡汾陽跨  
邢衛雞犬接閭里隱賑富人煙魚鹽喜成市岐亭向朝泊接  
浙事薪水賈酒慰我徒停驂縱遐視側聞西州事膏齒莫相  
倚列戟滿潼關并吞詎能已

鄴下述懷

殘壘宿歸雲鴉鳴滿長洲鷺風日夕起倒捲漳河流借問客  
遊子蓬飛幾時休沙塵暗長淮風雨迷舊邱獻業不得意征  
車曾少留此邦古名都控帶綿西州井竈列萬家甲兵當戎  
蒐以守足固禦以功代先謀在昔雄武人憑城逞英猷蟻封  
曹瞞塚塵滅高歡樓陳迹竟已矣登臨眇予愁

清化鎮

驅馬出衛郊羈離嘆流冗窮冬天雨雪所歷涉深恐茲晨過  
名鎮井屋河山拱天外見戍樓雲旗晝飛動江淮事綿邈關  
陔勢奔洶大厦孰得夫寺銀百千孔妻因面龜小上飛鷲鳥  
寵行矣拂青萍悲風鼓余勇

福昌塞在宜陽西

明詩紀事卷十二

古

崑崙通宜陽中條勢聯絡嶄巖福昌寨岡阜相倚薄上平行  
千畝下瞰延清洛喪亂設重關哀笳聞鳴柝我行愧口歲憑  
覽感今昨秋色滿南雲寒聲殷寥廓蒼茫嵩穎思寂寞采芝  
約孰與濟時難含凄嘆淹泊

河南露寶寨近嵩州鳴皋地

搏壁上層峯乘雲蹠天關風濤鼓羣有九野何漫漫二氣無  
端倪陰陽自循環河山拱中區萬古情不刊而我一粟微覽  
之意茫然天地則瘡痍風塵靖荆蠻連山黯巫衡殺氣迴飛  
翰感往豈不感悲來愴朱顏

宜陽潞南山二十里至楚家莊

洛陽多青山走勢連一室幽林石龍從谷轉峯岬鬱我行觸

奔突登頓迷徑術，  
洄溜發岩光。寒陰籠白日，  
况聞避地人。陶復相比密，  
喪亂各因依。偷生餘餼觚，  
兵戎幾時已。撫事傷懔質，  
山空颺颺號。石裂蛇蟒出，  
豈復慰曩懷。行行悵如失。

落雲軒

華頂拂秋影，陽林澹初暉。  
山雲落層軒，爽氣吹岩霏。  
默爾契心賞，橫琴當翠微。  
飛蘿結松暝，雨色涵清池。  
信美子雲宅，載醪將問奇。

題畫

嘉禾結繁蔭，山房抱秋陰。  
開門白雲入，爽氣吹森沈。  
惆悵飛羽夕，清歌對孤岑。  
誰與賦招隱，興發邱中琴。

江風山月亭

明詩紀事卷十二

五

華月上蘿壁，江風澹樵樞。  
金波泛遙渚，長夜秋泠泠。  
蕭瑟瀛海思，悲歌緬雲屏。  
無彈五十絃，恐有蛟龍聽。

嘉禾送李成還山西省詩

馬首去離亭，西行幾日程。  
山圍潞子國，雲接太行城。  
驛道秋花白，沙津候雁鳴。  
到家晨省日，應悉未歸情。

落雲軒

貴山空瞰岫，  
巖石出豈真。  
嶽巒對行行，  
壯觀天

貴山空瞰岫，巖石出豈真。  
嶽巒對行行，壯觀天  
貴山空瞰岫，巖石出豈真。  
嶽巒對行行，壯觀天

